

~~IV 2147~~ 2954  
.384

# DE BRANCHIDIS

DISSERTATIO INAUGURALIS

QUAM

AMPLISSIMI PHILOSOPHORUM ORDINIS

AUCTORITATE ATQUE CONSENSU

AD SUMMOS IN PHILOSOPHIA HONORES CAPESSENDOS

IN

ACADEMIA GEORGIA AUGUSTA

SCRIPSIT

HENRICUS GELZER

SCAFFHUSIENSIS.

---

LIPSIAE

TYPIS EXSCRIPSERUNT METZGER & WITTIG

1869.

(RECAP)

2954

.384



# ERNESTO CURTIO

D. D. D.

AUCTOR.



§ 1.

**De oraculi primordiis.**

Si quis Ionicarum urbium origines diligenter perscrutari atque accurate indagare voluerit, is facere non poterit, quin optimo ejus rei duci, Pausaniae periegetae, summam tribuat auctoritatem, quippe qui, ex Lydorum Ionumve ipsorum finibus oriundus, omnia, quae ad patrias antiquitates pertinere sibi viderentur, diligenter collegerit et memoriae prodiderit.

Itaque cum apud eum legamus, Didymaeum delubrum et Branchidarum oraculum jam ante Ionum, qui fertur, adventum condita fuisse,<sup>1</sup> non dubito, quin in constituenda templi aetate ei, quem attuli, loco maxima fides habenda sit. Neque quemquam negare putaverim, etiam ante Ionum migrationem Apollinem, deum Ionicum, in Ionica terra vaticinari potuisse: qui enim viri docti<sup>2</sup> conjecerunt, Ionum primordia in litore Asiatico quaerenda esse, ei judicio suo haud falsi esse videntur.

Iam vero, quae sacerdotes de templi primordiis narraverunt, accuratius examinemus. In quibus Varronis<sup>3</sup> narratio, quamvis multis locis corrupta, tamen nonnulla integritatis et vetustatis vestigia prae se fert. Refert enim Olum quandam, decimum ab Apolline, filium, Simerum nomine, per imprudentiam in litore Milesio reliquisse. Qui cum in saltum Patronis cujusdam pervenisset, Patronem, jussu Leucotheae deae, eum tamquam filium

<sup>1</sup> Pausan. VII, II, 4.

<sup>2</sup> Curtius, die Ionier vor der ionischen Wanderung.

<sup>3</sup> Lutatius (Lactantius) ad Statii Thebaïd. VIII, 198. edid. Emer. Cruceus Paris 1618 pag. 364 B et C.

Gelzer, de Branchidis.

liberaliter habuisse filiamque suam in matrimonium ei dedisse. Quam, gravidam factam, per somnia vidisse Solem introeuntem sibi per fauces, exeuntem per ventrem, filioque postea nato Branchi indidisse nomen, cum per fauces in ipsam Sol introisset et per ventrem egressus esset. Branchum vero, postea amasium Apollinis factum esse: quia eum, oves in silva pascentem, osculatus esset. Corona dein virgaque ab Apolline acceptis, Branchum vaticinari coepisse. Ibi et Milesios aram Apollinis Philesii consecrasset.

Haec ferme Varronis narratio est. Quae vero apud Cononem<sup>1</sup> leguntur, quamvis ejusdem originis, tamen aliquantum, a Varronianis diversa sunt. Ac primum quidem Branchi pater Σμικρος nominatur. Pater autem Smicri non olor (ita aperte legendum est pro „olus“), ὁ χύκως, Apollinis avis, sed Democlus Delphus est. Quo ex loco manifesto apparet, quae apud Cononem tradantur, seriori aetati adscribenda esse. Etenim ubi primum Pythii Apollinis oraculum inclaruit, vates multa finxerunt, multasque fabulas excogitaverunt, quibus docerent, Clariorum sacerdotum, Branchidarum, aliorum originem esse *Delphicam*, ita ut Pytho quodammodo μητρόπολις oraculorum fieret.<sup>2</sup>

Quod autem Varro memoriae prodidit, Branchum coronam virgamque a deo accepisse, id ex more sacro est, ac prorsus cum ritu sacerdotali convenit. Nam, teste Jamblichio,<sup>3</sup> mulier fatidica, quae postea in locum prophetae successit, virgam manu tenens, a deorum aliquo olim sibi traditam, divino spiritu repleta est.

Restat, ut Philesii vel Philii, qui vocatur, Apollinis cognomen explicemus. Neque dubium est, quin Conon explicationem illius cognominis a turpi amore masculino petat, cum dicat Apollinem, amore captum, Branchum complexum et osculatum esse.<sup>4</sup> E Statii scholiis, ne quid lucremur, ipsa scholiorum misera con-

<sup>1</sup> Photius patriarch. myriobibl. cod. 186. Conon. διηγήσ. 33. cfr. Clavier sur les oracles pag. 130.

<sup>2</sup> Preller Griech. Mythol. II, 484.

<sup>3</sup> Jamblichus de mysteriis ed. Parthey pag. 127.

<sup>4</sup> Conon l. c. καὶ ἦν ὁ παῖς κάλλιστος ἀνθρώπων, καὶ αὐτὸν ἐφίλησεν ἔρασθεὶς Ἀπόλλων, εὐρὸν πομαίνοντα, ἔνθα βωμὸς Ἀπόλλωνος Φιλίου ἵδρεται.

dicio prohibet. Consentiant vero cum Conone, cognomen Apollinis de puerorum amore explicante, Strabo et Philostratus, quorum ille,<sup>1</sup> ubi de Branchidarum oraculo refert, ejusdem de Apollinis amore fabellae mentionem facit; hic vero<sup>2</sup> Ioniae gloriolam quandam esse praedicat, quod ea sit patria amoris puerilis: inde enim oriundos esse Clarum et Branchum, Apollinis catamitos.

Quae tamen omnia ne pro certis exploratisque accipiam, habeo caussas, ut puto, satis idoneas. Eodemmodo haec tractanda mihi esse videntur, quo fabulae commenticiae Pythiorum sacerdotum, id agentium, ut aliis oraculis originem Delphicam vindicarent. Posterioris enim aetatis Graeculi multa aequae absurda de Patroclo,<sup>3</sup> de Heleno,<sup>4</sup> de aliis hariolati sunt. Quam vero Macrobius<sup>5</sup> explicationem allegoricam excogitavit, ne ea quidem admittenda est. Ac meo iudicio nemo ei accedet, ita explicanti: Ἀπόλλων Φιλῆτος, quod lumen ejus exoriens amabile amicissima veneratione consulamus.

Neque solum de epitheti explicatione veteres scriptores inter se discrepant, sed etiam multum abest, ut de re ipsa omnium sit una eademque opinio. *Pudicum* enim fuisse Apollinis in Branchum amorem docemur a Callimacho, cujus de rebus mythicis iudicium, quippe doctrina et eruditione bene fultum ac munitum, ne quis aspernetur. Cujus ex carmine, quod condidit de Brancho, Terentianus Maurus haec deprompsit:<sup>6</sup>

Necnon et memini, pedibus quater his repetitis  
Hymnum Battiadem Phoebō cantasse Iovique  
Pastorem Branchum, cum captus amore pudico  
Fatidicas sortes docuit depromere Paeon.

Osculum enim Apollinis intimam inter deum et prophetam

<sup>1</sup> Strabo XIV pag. 634. ἐνταῦθα δὲ μυθεύεται τὰ περὶ τὸν Βράγχον καὶ τὸν ἔρωτα τοῦ Ἀπόλλωνος.

<sup>2</sup> Philostratus pag. 344 ed. Kayser. ἀλλ' ἀπ' Ἰωνίας; καὶ τί τῆς γῆς ἐκείνης ἀβρότερον, ἔπου Βράγχοι καὶ Κλάροι, οἱ Ἀπόλλωνος καλοί. Cujus sententiae accessit Welckerus griech. Goetterl. II, 382 ff.

<sup>3</sup> Lucian. amores 54.

<sup>4</sup> Ptolem. Hephaestion apud Photium Patr. Westermann Mythogr. pag. 195.

<sup>5</sup> Macrob. Sat. I, 17.

<sup>6</sup> Terent. Maurus de metris pag. 2424 ed. Putsch.

intercedere necessitudinem, si translationem mythicam admittere licet, documento est. Hisce omnibus, quae attuli, intellegi potest, Branchum ipsum fabuloso-heroicae aetatis tempori adscribendum esse. Qui enim Branchidarum, in quorum familiam postea oraculi Didymaei cura pervenit, auctor fertur, is certe mythicus est.

Accedit, quod a Metrodoro Branchus cum Hyacintho comparatur. „Branchus Thessalus fuit dilectus Apollini, ut Hyacinthus, quem acriter interfectum dolens templo et sepulcro consecravit. Illic Branchiades Apollo dicitur.“<sup>1</sup>

Alias praeterea gentes oraculo praefuisse, Conon auctor est, qui sicut Branchidarum, ita etiam Euangelidarum originem prodit, haec fere narrans.<sup>2</sup>

Leodamas, Milesiorum rex, expugnata Carysto urbe, mulierem captivam, infantem uberibus alentem, cum aliis plurimis donariis, manubiarum decimis, ad Branchidas misit. Ipse vero tunc Branchus templo et oraculo praeerat, qui captivam mulierem magna cura nutritiv ejusque filium adoptavit. Qui cum adolevisset, a Brancho oraculorum nuntius factus, Euangelus appellatus est. Defuncto vero Brancho, in oraculo successit, et auctor Euangelidarum apud Milesios fuit.

Quam Cononis narrationem, si recte interpretamur, unum certe ea edocemur. Quamquam enim Leodamas rex, quo tempore vixerit, constitui non potest, tamen a veri specie hoc abhorreere non videtur: cum Branchus sacerdos idemque vates fuerit, et teste Conone, Euangelum oraculorum interpretem fecerit, curam Didy-

<sup>1</sup> Lutat. (Lactant.) ad Stat. Theb. III, 478.

<sup>2</sup> Conon apud Photium cod. 186 διηγ. 44. . . . Λεωδάμας δὲ λαμπρῶς κατὰ Καρυστίους ἀνδραγαθήσας, κατὰ κράτους ἐλὼν τὴν πόλιν καὶ ἀνδραποδισάμενος, Μιλήτου ἐπανιών, κατὰ τὰ συγχείμενα βασιλεύει. Αἰχμάλωτον δὲ κατὰ χρησμὸν γυναῖκα Καρυστίαν, παῖδα φέρουσαν ὑπομάσθιον, μετὰ πολλῶν καὶ ἄλλων ἀναθημάτων, ἃ δεκάτῃ τῶν λαφύρων ἐτύγχανον, ἀνέπεμψεν ἐν Βραγχίδαῖς. αὐτὸς δὲ τότε Βράγχος προὔστίχει τοῦ τε ἱεροῦ καὶ τοῦ ματείου, ὅς τὴν τε αἰχμάλωτον γυναῖκα ἐνόμισε καὶ τὸν παῖδα αὐτῆς ἔθετο. ἤρξανε δ' ὁ παῖς οὐ κατὰ λόγον, ἀλλὰ θεία τινὲ τύχη. καὶ πλέον ἢ πρὸς τὴν ἡλικίαν ἀπήντα τὸ εὐσύνετον. Ποιεῖται δὲ αὐτὸν Βράγχος καὶ ἄγγελον τῶν μαντευμάτων, Εὐάγγελον ὀνομάσας. Οὗτος ἡβήσας τὸ Βράγχου μαντεῖον ἐξεδέξατο καὶ ἀρχὴ γένους Εὐαγγελειδῶν παρὰ Μιλησίοις ἐγένετο. — G. Vossius de origine et progr. idolol. II cap. XII pag. 137 a. — Müller Dorier I, 224 Ann. 3.



maei fani inter Branchidarum Euangelidarumque familias postea divisam esse existimo, atque ita pactum esse, ut Branchidae ipso dei sacerdotio fungerentur, Euangelidae autem, id quod nomen monstrat, nuntii fierent voluntatis divinae eis, qui oraculum consulturi adirent.

Facti igitur sunt oraculorum interpretes — χρησμων ἐξηγηταί.

Atque oracula a prophetide, sicuti Delphis, Dodonae, Pataris, aliis locis edebantur. Sed de his postea.

Praeter has, quas attuli, fabulas etiam alia invenitur apud Tzetzen, quae ad Didymaei oraculi origines referenda esse videtur. Qui quidem nobis tradidit,<sup>1</sup> Hesionen ex Telamone gravidam factam, Miletum aufugisse et filium, Trambelum nomine, peperisse. Hunc ab Achille, qui expeditione Graecorum ad diruendam Troiam facta, Miletum delatus esset, interfectum esse: postea vero ab eodem, cum comperisset Trambelum Telamonis esse filium, magnificentissimo funere honoratum fuisse.

Hic vero Trambelus Apollinis vatibus adnumerandus esse videtur. Primum enim mater ejus a Lycophrone παρθένος nominatur Βραγχητή,<sup>2</sup> dein Achilles Apollinis vatibus inimicissimus est. Nam in ipso Thymbraeo Troïlum,<sup>3</sup> Apollinis carissimum filium, obtruncavit, neque Cyeno,<sup>4</sup> neque Tennae<sup>5</sup> pepercit.

Atque cum in titulo apud Lebasium<sup>6</sup> propheta ex Ajacis gente nominetur, verisimile est Trambelidarum quoque gentem Didymaei oraculi sacerdotibus ascribendam esse.

Itaque fabularum, quae ab ipsis Didymaei oraculi sacerdotibus circumferebantur, ratione habita, neque cum Buttmanno<sup>7</sup> Argonautarum tempore conditos esse Branchidas, neque cum

<sup>1</sup> Tzetzes ad Lycophron. v. 467. Παύνη ἐκ Τελαμώνος ἔγκυος γενομένη, ἀπέδρασε τῆς νεώς καὶ νηῆσάμενη ἦλθεν εἰς Μίλητον. Τῆς δὲ εἰς Ἴλιον στρατείας γενομένης, Ἀχιλλεὺς εἰς Μίλητον παρεγένετο καὶ τὸν Τράμβηλον ἀντιστάνα ἀνείλε. Μαθὼν δὲ Τελαμώνος εἶναι υἱόν, ἔθαψεν αὐτὸν, δακρύσας ὡς συγγενῇ.

<sup>2</sup> Lycophron. v. 1379.

<sup>3</sup> Tzetzes ad Lycophr. v. 307.

<sup>4</sup> Pindar. Ol. II, 82 (147).

<sup>5</sup> Pausan. X, XIV, 4.

<sup>6</sup> Lebas voy. archéol. As. Mineure Nr. 239.

<sup>7</sup> Buttmann Mythologus II, pag. 208 ff.

O. Müllero<sup>1</sup> ex Creta insula coloniam sacerdotum Miletum deductam esse censemus.

Nullum enim adest vestigium, quo nisi, Didymaei sacerdotes, sicuti prophetarum gentes apud Delphos, e Creta insula originem duxisse, dicere possimus.<sup>2</sup>

Verum, cum Soldanus<sup>3</sup> inter annos 632 et 601 a. Ch. n. Branchum oraculum condidisse statuatur, non multos ejus sententiae accessuros esse puto. Etenim, quae de Branchidarum origine traduntur, antiquissimis temporibus ascribenda sunt, uti in proximis demonstrare conati sumus.

## § 2.

### De Didymaei oraculi historia.

Ut nunc ad Didymaei delubri historiam transeamus, testis est Tzetzes,<sup>4</sup> jam a Neleo, primo Ionum rege, consultum esse oraculum. Qui cum in Milesiorum terram pervenisset, de condenda nova urbe a deo oraculum petiit. Is autem respondit filiam ei locum esse assignaturam. At ille, cum eam videret sese ipsam denudantem et quaerentem, num quis secum vellet consuescere, divini oraculi sententiam intellegens, eo loco novam urbem aedificavit. Uti vero Apollo gentis Milesiorum auctor est, ita etiam soror, quae a Callimacho hoc modo celebratur:<sup>5</sup>

Πότνια, πολυμέλαθρε, πολύπολι, χαῖρε Χιτώνη,  
Μιλήτηρ ἐπίτῃμι. σὲ γὰρ ποιήσατο Νηλεὺς  
Ἰγερμόνην, ὅτε νηυσὶν ἀνίχeto Κεκροπίηθεν.

Itaque Apollini „ἀρχηγέτη“ juncta est Diana „ἀρχήγετις“ sive „ἰγερμόνη“. Quae quomodo a Branchidis culta sit, postea enarrabimus.

<sup>1</sup> O. Müller Dorier I pag. 224.

<sup>2</sup> Hoeck Kreta II pag. 319 ff.

<sup>3</sup> Zeitschrift für Alterthumswissenschaft 1841 Nr. 67. pag. 559.

<sup>4</sup> Tzetzes ad Lycophr. v. 1385. Τὸς δὲ Νηλεὺς πάλιν ἐν Μιλήτῃ μακρυοσπασμένου, ποῦ δεῖ κτεῖναι, ὁ θεὸς ἔφη τὴν θυγατέρα αὐτοῦ δεῖξαι αὐτῷ. Ἀποβὰς δὲ εἶδεν αὐτὴν ἀποσπασμένην τοὺς μηροὺς καὶ λέγουσαν· τίς μοι θέλει συνουσιάζειν; συνεὶς δὲ ὁ πατὴρ αὐτῆς τὸ λόγιον, ἐκεῖ κατήχευεν.

<sup>5</sup> Callim. hymn. in Dianam 225.

Iam cum intellegamus ad condendam Miletum Branchidarum deos maximam operam dedisse, recte aliquis quaerat, num in collocandis Milesiorum coloniis Apollo atque Diana similiter principatum, ut ita dicam, tenuerint. Atque multa inveniuntur, ex quibus accurate demonstrari potest, Milesiorum celeberrimas colonias ab Apolline et Diana scilicet sub Didymaeorum sacerdotum ductu auspicioque conditas esse.<sup>1</sup>

Atque ut a Cyzico, colonia potentissima et per longum temporis tractum immuni ordiamur, luculento Aristidis rhetoris testimonio<sup>2</sup> docemur, Apollinem ipsum Cyzici fuisse conditorem. Alias enim urbes ab hominibus, consulto deo, conditas esse, Cyzicenos vero colonos, ducente deo ipso, novas sedes obtinuisse dicit.

Neque alia Apollonius,<sup>3</sup> doctissimus poëta, refert.

Κεῖσε καὶ εὐναίης ὀλίγον λίθον ἐκλύσαντες  
 Τίφυρος ἐνεσίγησεν ὑπὸ κρήνῃ ἐλίποντο,  
 Κρήνῃ ὑπ' Ἀρτακίῃ· ἕτερον δ' ἔλον ὅστις ἀρήρει  
 Βριθὸν· ἀτὰρ κείνόν γε θεοπροπίαις Ἑκάτου  
 Νηλεΐδαι μετόπισθεν Ἴάονες ἰδρύσαντο  
 Ἱερὸν θ' ἑμέις ἦεν Ἰησονίης ἐν Ἀθήνῃς.

Quibus Apollonii verbis enarrator addit,<sup>4</sup> Milesios, cum ex oraculo Apollinis terram occupassent, ancoram donum in templo Iasoniae Minervae posuisse.

Templum vero Apollinis apud Cyzicenos ab Aristide<sup>5</sup> summis laudibus effertur. Aedificium enim esse vasti ambitus, cryptis subterraneis et porticibus ornatum, dicit.

Dein Proconnesii, Cyzicenorum finitimi, tamquam „ἀρχηγέ-

<sup>1</sup> Müller Dorier I, 225.

<sup>2</sup> Aristides rhetor. or. XVI vol. I pag. 393 ed. Dind. πεπύσθαι δέ τινα ἦδη καὶ τῶν ἐν Ὑπερβορείῳ οἶμαι τὸν περὶ Κυζίκου χρησμὸν καὶ τὸν μάρτυρα τῆς εὐδαιμονίας τῇ πόλει, ὃς ταῖς μὲν ἄλλαις πόλεσιν ἐξηγητῆς ἐστί, τῇ δὲ πόλει ταύτῃ καὶ ἀρχηγέτης· τὰς μὲν γὰρ ἄλλας πόλεις διὰ τῶν οἰκιστῶν ᾤκισεν οὓς ἀπέστειλεν. ἑκαστοχόσε, ταύτης δὲ ἐκ τοῦ εὐθέως γέγονεν οἰκιστής.

<sup>3</sup> Apollon. Rhodius I, 935 sq.

<sup>4</sup> Scholia ad Apoll. Rhod. l. c. Μιλήσιοι δὲ ἐνοικήσαντες κατὰ χρησμὸν Ἀπόλλωνος τὴν ἀγκύραν ἀνέρωσαν ἐν τῷ θαρῇ τῆς Ἰασονίας Ἀθηνᾶς.

<sup>5</sup> Aristides rhetor. or. XVI vol. I pag. 390 ed. Dindorf.

τιδα τῆς πόλεως“ Dianam coluerunt. Cum enim Milesii coloniam deduxissent, virgo, urnam gestans, eis obviam ivisse fertur. Quamobrem etiam incolae „ἀπὸ τῆς προχόου“, „Προχονήτου“ dicti sunt.<sup>1</sup> Virgo, urnam gestans, Diana Pythia est, quae a Branchidis colebatur et cujus in honorem τὰ ὑδροφόρια celebrabantur per dies festos splendidissimos. Et quamvis nominis vim scriptores parum recte enodent, hoc tamen pro certo affirmare possumus, ductu auspicioque Didymae deae conditam esse Proconnesiorum urbem.

Tum uti in nummis coloniarum Chalcidensium, ita etiam in Milesiarum coloniarum nummis Apollinis symbola et imagines inveniuntur; qua ex re stricte colligi potest, ex patria Apollinis sacra in colonias translata esse.

Ita Abydeni, Apollinis sacris prae ceteris dediti, nummos urbanos Apollinis laureati capite signaverunt.<sup>2</sup> Verumtamen ne sororem quidem neglexerunt; sed in aliis nummis Dianae imago expressa est, arcum tenentis et pharetram, et in parte aversa cerva, Dianae animal, intra coronam fieta est.<sup>3</sup>

Itidem et Lampsacenorum nummi stolati Apollinis imaginem expresserunt.<sup>4</sup> Et Cianorum urbs, quae postea Prusias<sup>5</sup> nuncupata est, eodemmodo nummos laureati Apollinis forma signavit.

Videmus igitur, uti Chalcidenses, Corinthii, Aethivi, alii ducente deo Delphico colonias deduxerunt, ita etiam Branchidarum sacerdotes condendarum Milesiorum coloniarum duces et auctores fuisse.

Quamquam de Milesiorum in Propontide coloniis maxima nobis suppeditatur testimoniorum copia, tamen de Ponticis quoque nonnullis urbibus similia memoriae produntur.

<sup>1</sup> Scholia ad Apoll. Rhod. II, 279. Διωνύσιος δὲ φησιν ὁ Ἀθηναῖος ἐν ταῖς κτίσεσιν τὰς ἐλάφους οὕτω λέγεσθαι πρόκας, ὅθεν καὶ Προχόννητος, ἐπεὶ ἐν ταύτῃ πληθύνουσιν ἐλαφοί. Οἱ δὲ Προχόννητον λέγουσιν εἰρῆσθαι ἀπὸ τῆς προχόου, ἣν ἔχουσα τοῖς Μιλησίοις ἀπήντησεν ἡ παρθένος ὅτε τὴν ἀποιχίαν ἐστέλλοντο.

<sup>2</sup> Eckhel doctrina nummorum veterum II pag. 478.

<sup>3</sup> Eckhel l. c. II pag. 457.

<sup>4</sup> Eckhel l. c. Millingen, ancient coins pag. 69.

<sup>5</sup> Strabo pag. 563.

<sup>6</sup> Eckhel l. c. pag. 434. 435.

Strabo testis est, Apolloniae, in urbe Pontica, magnum Apollinis fuisse delubrum.<sup>1</sup>

Iam in antiquissimis fabulis de Sinopensium origine Apollo commemoratur. Ad Apollonii enim verba „ἐνθα Σινώπην“ enarrator refert,<sup>2</sup> urbem ita esse nuncupatam, quod Apollo Sinopen, Asopi filiam, ex Syria in Pontum abripuisset. Quae cum ex deo gravida facta esset, filium peperisse traditur, Syrum nomine.

Accedit quod Arrianus memoriae prodidit, Trapezunte, in Sinopensium colonia, Philesium cultum esse.<sup>3</sup>

Atque in Taurici Bospori urbibus nummi permulti inveniuntur, qui arcu et sagitta, Apollinis symbolis, ornati sunt.<sup>4</sup> Olbianorum vero patronus Apollo προστάτης<sup>5</sup> est, cujus in oppidanis titulis saepenumero mentio fit.

Denique uti et Aegyptiacam Milesiorum coloniam addam, teste Herodoto,<sup>6</sup> Apollinis templum Naucrattide exstruxerunt.

Haec fere sunt, quae de Apolline, coloniarum auctore, a Milesiis memoriae prodita sunt. Atque jam intellegimus, quantum Branchidarum oraculum temporibus antiquis apud Milesios valuerit. Et sacerdotes non minimum contulerunt, ut postero tempore Miletus prima Ioniae colonia et mater multarum magnarumque urbium in Ponto, in Aegypto et ubique ferme in orbe terrarum nominaretur.<sup>7</sup>

In fabulis, quae de septem sapientibus et de nonnullis philosophorum inde ab ineunte sexto ante Christum saeculo circumferebantur, saepius Branchidarum mentio fit. Thales igitur prae-

<sup>1</sup> Strabo VII, 319.

<sup>2</sup> Schol. ad. Apoll. Rhod. II, 946. πόλις τοῦ Πόντου ἡ Σινώπη ἀπὸ τῆς Ἀσσοποῦ θυγατρὸς Σινώπης, ἣν ἀρπάσας Ἀπόλλων ἀπὸ Συρίας ἐκόμεσεν εἰς Πόντον, καὶ μετὰ αὐτῇ ἔσχε Σῦρον ἀφ' οὗ οἱ Σύριοι.

<sup>3</sup> Arrian peripl. pont. Eux. 3. — C. Müller geogr. min. I pag. 371. — O. Müller Dorier I pag. 225.

<sup>4</sup> de Phanagoria vide Eckhel. l. c. II pag. 239.

<sup>5</sup> C. J. G. 2067. 2070. 2071. 2072 etc.

<sup>6</sup> Herodot. V, 36. Χωρὶς δὲ Αἰγινῆται ἐπ' ἐωυτῶν ἰδρύσαντο τέμενος Διὸς καὶ ἄλλο Σάμιοι Ἱέρας καὶ Μιλήσιοι Ἀπόλλωνος.

<sup>7</sup> C. J. G. 2878. τῆς πρώτης τῆς Ἰωνίας φικισμένης καὶ μητροπόλεως πολλῶν καὶ μεγάλων πόλεων ἐν τε τῷ Πόντῳ καὶ τῇ Αἰγύπτῳ καὶ πανταχοῦ τῆς φικισμένης Μιλήσιων πόλεως ἡ βουλή καὶ ὁ δῆμος κτλ.

clarum illum tripodem, qui a sapientum alio semper ad alium tamquam majore ingenii acumine praeditum mittebatur, Didymaeo Apollini, auctore Diogene, dono dedicavit.<sup>1</sup>

Sed et scutum illud, de quo Pythagorei, animae transmigrationem docentes, multa et mirabilia tradiderunt, secundum Heraclidem Ponticum<sup>2</sup> in Branchidarum templo affixum fuit.

Iam inde a vetustissimis temporibus hoc oraculum, quod praeter Delphos gloria nulli cessit, ab Aeolensibus et Ionibus omnibus visitabatur. Sic Cumaei, Aeolensium caput, de tradendo Pactye, teste Herodoto,<sup>3</sup> Branchidas consuluerunt.

Verum non modo apud Graecos, sed etiam apud Cares Didymaeum oraculum summa auctoritate fruebatur. Cares enim, contra Darium pugnaturi, Branchidarum deum consuluerunt.<sup>4</sup>

Ubi vero, inclarescente Milesiorum urbe, etiam Branchidarum oraculum ad summum honoris fastigium pervenit, exterarum gentium reges Didymaeum deum donis locupletissimis ditarunt.

Necos, Aegyptiorum rex, postquam apud Magdolum,<sup>5</sup> (ἐν

<sup>1</sup> Diogen. Laërt. Lib. I Thales segm. 28. ἐδόθη δὲ Θαλῇ καὶ κατὰ περίοδον πάλιν Θαλῇ, ὁ δὲ τῷ Διδυμαίῳ Ἀπόλλωνι ἀπέστειλεν, εἰπὼν οὕτω κατὰ τὸν Καλλιμαχόν·

Θαλῆς με τῷ μεθεῦντι Νειλέῳ δόξῃμου

Δίδωσι τοῦτο δις λαβὼν ἀριστεῖον·

τὸ δὲ περὶ οὕτως ἔχει·

Θαλῆς Ἐξαμβόου Μιλήσιος Ἀπώλωνι

Διδυμαίῳ Ἑλλήνων ἀριστεῖον δις λαβὼν.

<sup>2</sup> Diogen. Laërt. Lib. VIII Pythagor. segm. V. . . . φησὶν Ἡρακλείδης ὁ Ποντικός, ἐπειδὴ δὲ Εὐφορβὸς ἀποθάνει, μεταβῆναι τὴν ψυχὴν αὐτοῦ εἰς Ἐρμότιμον, ὃς καὶ αὐτὸς πῖστιν δοῦναι θέλων, ἐπανήλθεν εἰς Βραγχίδας καὶ εἰσελθὼν εἰς τὸ τοῦ Ἀπόλλωνος ἱερὸν, ἐπέδειξεν, ἦν Μενέλαος ἀνέθηκεν ἀσπίδα.

<sup>3</sup> Herodot. I, 157. Οἱ δὲ Κυμαῖοι ἔγνωσαν συμβουλῆς πέρι εἰς θεὸν ἀνῆσαι τὸν ἐν Βραγχίδῃ. ἦν γὰρ αὐτόθι μαντήριον ἐκ παλαιοῦ ἰδρυμένον, τῷ τε Ἰωνέσι τε πάντες καὶ Αἰολέσι εἰώθεσαν χρῆσθαι.

<sup>4</sup> Paroemiogr. Graeci edit. Gotting. I Zenobius V, 80. φασὶ τοὺς Κᾶρας πολεμουμένους ὑπὸ Δαρείου τοῦ Πέρσου κατὰ τινα παλαιὰν μαντείαν εἰρημένῃν αὐτοῖς τοὺς ἀλκιμωτάτους προσθέσθαι συμμάχους, ἐλθεῖν ἐς Βραγχίδας καὶ τὸν ἐκεῖ θεὸν ἐρωτῆσαι, εἰ Μιλήσιους πρόσθεντο συμμάχους, τὸν δ' ἀποκρίνασθαι·

Πάλαί ποτ' ἦσαν ἀλκιμοὶ Μιλήσιοι.

<sup>5</sup> Herodot. II, 159.

Μαγεδδῶν<sup>1</sup>), Josiam, Judaeorum regem, superavit, vestem qua indutus, victoriam reportaverat, Apollini dedicavit et ad Branchidas transmisit.<sup>2</sup>

Sed rex prae ceteris φιλέλλην, Croesus, Lydus, uti alia multa delubra, ita etiam Branchidas splendidissimis donis<sup>3</sup> locupletavit. Oraculum enim inter sex celeberrima apud Graecos numerabatur, quae a Croeso, priusquam cum Persis manus consereret, consulebantur.

Similiter etiam Histiaeus, Milesiorum tyrannus, et Chares, Tichiussae regulus, dona templo miserunt.<sup>4</sup>

Eo vero tempore, quo Persarum reges principatum apud Asiaticas gentes obtinuerunt, oraculum semper a Persis stetit. Neque hoc mirum est. Sacerdotes enim optimatibus favere solent. Populi contra potestatem, quae antea Mileti floruerat, in contemptu et odio habent, ita ut barbarorum dominationem popularium arbitrio praeferant.<sup>5</sup>

Iam Cyri aetate, cum Pactyes Lydus novas res molitus esset, et Persarum poenas metuens, Cymen fugisset, legatis a Cumaeis missis deus, uti Pactyen Persis traderent, suasit.<sup>6</sup>

Neque a veri specie abhorret, Didymaeorum sacerdotum auctoritate Milesios commotos esse, uti cum Cyro paciscerentur.

Nequiquam, cum Ionum seditio exarsisset, Hecataeus, rerum scriptor, suasit, ut Milesii divitiis, quas Croesus Branchidis dedicaverat, ad exaedificandam classem uterentur.<sup>6</sup> Talis enim sacerdotum auctoritas fuisse videtur, uti ne in omnium quidem rerum discrimine Milesii Didymaeum deum spoliarent.

<sup>1</sup> V. T. graece ed. Tischendorf. Βασιλ. δ' 23, 30.

<sup>2</sup> Herodot. II, 159.

<sup>3</sup> Herodot. II, 92 τὰ δ' ἐν Βραγχίδῃσι τῆς (sec. Dindorf) Μιλησίων ἀναθήματα Κροίσῳ ὡς ἐγὼ πυνθάνομαι ἴσα τε σταθμὸν καὶ ὁμοῖα τοῖσι ἐν Δέλφοις.

<sup>4</sup> Kirchhoff Studien zur Gesch. des griech. Alphabets 2. Aufl. 1867 pag. 14 u. 16.

<sup>5</sup> Herodot. I, 158—159.

<sup>6</sup> Herodot. V, 36. εἰ δὲ τὰ χρέματα κατααιρεθῇ τὰ ἐκ τοῦ ἱεροῦ τοῦ ἐν Βραγχίδῃσι, τὰ Κροίσος ὁ Αὐδὸς ἀνέθηκε, πολλὰς εἴγε ἐλπίδας ἐπικρατήσῃ τῆς θαλάσσης· καὶ οὕτω αὐτοῦς τε ἔξῃν χρέμασι χρᾶσθαι καὶ τοὺς πολεμίους οὐ σιλήσειν αὐτά· τὰ δὲ χρέματα ἦν ταῦτα μέγαλα.

At jam, urgente Milesiorum fato, insignis calamitas etiam Didymaeo oraculo illata est. Quod quidem incommodum, teste Herodoto,<sup>1</sup> jam a Pythia Argivis, oraculum petentibus, praedictum est.

Καὶ τότε δὴ, Μίλητε, κακῶν ἐπιμήχανε ἔργων  
Πολλοῖσιν δεῖπνόν τε καὶ ἀγλαὰ δῶρα γενήσῃ·  
Σαὶ δ' ἄλογοι πολλοῖσι πόδας νύθουσι κομήταις  
Νηοῦ δ' ἡμετέρου Διδύμοις ἄλλοισι μελήσει.

Sed quamquam inter omnes constat Didymaei Apollinis delubrum a Persis spoliatum et igne deletum esse, tamen non convenit inter veteres scriptores, quo tempore acciderit, ut Apollinis fanum tali infortunio affectum sit.

Herodotus enim in enarranda Ionum seditione, ubi a Persis Milesiorum urbem captam et excisam esse tradidit,<sup>2</sup> disertis verbis testatur, oraculum et templum Didymaei Apollinis a barbaris direptum et vastatum esse. Itaque imperante Dario rege Branchidarum fanum a Persis dirutum est. Neque Herodoti auctoritati diffidere nobis licet. Qui cum haud ita multo post debellatos Persas scripserit, certissimosque testes earum, quas traditurus erat, rerum invenire potuerit, Herodoti, quasi testis fere oculati plurimi est facienda auctoritas.

Ab ejus narratione multum recedunt ei, qui tradunt Xerxem post acceptam ad Mycalen cladem, haud invitis sacerdotibus, thesauris potitum esse et templum incendisse.

Quorum in numero primus nominandus est Strabo, qui Asiam fere totam peragravit, et Didymaei delubri vastum ambitum tam diligenter descripsit, ut ipsum oculis vidisse censueris. Sed tamen in Brunnii<sup>3</sup> sententiam discedere nequeo, existimantis, quae apud Strabonem inveniuntur, a fani sacerdotibus ei relata esse. Nam breviter modo de hac re loquitur, neque quidquam affert, quin idem apud Suidam, Curtium, alios legatur.

<sup>1</sup> Herodot. VI, 19.

<sup>2</sup> Herodot. VI, 19. ἱρόν τε τὸ ἐν Διδύμοισι, ὃ νηὶς τε καὶ τὸ χρηστήριον, συληθέντα ἐνεπίμπρατο.

<sup>3</sup> Die Kunst bei Homer pag. 35 (Abhandl. der k. bayr. Akademie der W. I, XI, III).



Accedit, quod in describenda Sogdiana provincia, ubi de Branchidarum oppido disputat, eisdem ferme verbis templi proditionem enarrat.

Operae pretium est, utramque narrationem juxta apponere.

XI pag. 518.

οὗς Ξέρξην μὲν ἰδρῶσαι αὐτόθι  
συναπῆραντας αὐτῷ ἐκόντας ἐκ  
τῆς οἰκείας διὰ τὸ παραδοῦναι  
τὰ χρήματα τοῦ θεοῦ τὰ ἐν  
Διδύμοις καὶ τοὺς θησαυροὺς,  
ἐκείνων δ' ἀνελεῖν, μυσσατόμενον  
τὴν ἱεροσυλίαν καὶ τὴν προ-  
δοσίαν

XIV pag. 634.

οἱ δὲ Βραγχίδαι τοὺς θησαυροὺς  
τοῦ θεοῦ παραδόντες τῷ Πέρ-  
σῃ φεύγοντι συναπῆραν τοῦ μὴ  
τίσαι δίκας τῆς ἱεροσυλίας καὶ  
προδοσίας.

Quae cum tam arcte inter se cohaereant, ex uno eodemque fonte manasse dixeris. Atque certe ex auctoris cujusdam commentariis, qui res gestas Alexandri conscripsit, Strabo sua petiit. Soldanus<sup>1</sup> vero probabili conjectura statuit, e Callisthene Strabonem sua hausisse, cujus saepissime mentionem fecit.

Quamvis igitur verisimile sit, Strabonem Didyma pervenisse, tamen non ex sacerdotum narrationibus sua hausit.

Etiam Suidas<sup>2</sup> eadem ac quidem multo uberius refert. Is enim narrat, Branchidas, Xerxi faventes (Ξέρξῃ χαρίζόμενοι) templum dei indigenae barbaris prodidisse, ipsos vero leges Milesiorumque vindictam veritos, cum rege aufugisse et sedes in Asiae quodam loco, a Graecia quam remotissimo, collocasse. Itaque urbem eos condidisse, neglectis avibus, et Branchidas nuncupasse. Verumtamen dei providentiam non dormivisse, (οὐ μὴν ἐκάθευθεν ἢ τοῦ θεοῦ πρόνοια). Nam Alexandrum, qui devicto et prostrato Dario, in eorum oppidulum pervenerit, totam gentis progeniem interfecisse, judicantem, ignavam esse ignavorum prolem, urbemque solo aequasse.

Haec Suidas. Iam Kusterus probabili conjectura totam hanc narrationem, religionis superstitiosae plenam, ex Aeliani libro de providentia esse desumptam censuit.

<sup>1</sup> Zeitschrift für Alterthumswissenschaft 1841 pag. 572.

<sup>2</sup> Suidas s. v. Βραγχίδαι. Aelian. ed. Hercher. II pag. 210.

Accuratius autem de eorum interitu Curtius<sup>1</sup> disputavit, commemorans parvulum Branchidas habitasse oppidum, quia jussu Xerxis Miletum reliquerant. Quamquam patrii mores nondum exolevisent, tamen jam bilingues fuisse „paullatim a domestico externo sermone degeneres.“ Regem igitur Gracum magno eos gaudio excepisse. Illum vero, convocatis in exercitu Milesiis, liberum de proditoribus permisisse arbitrium. Inter quos, cum de irroganda poena non convenisset, ipsum regem Branchidas ad unum omnes caedi jussisse.

A veri specie non recedit, Curtium, qui diligentissime fabulosas de Alexandro congegit narratiunculas, Clitarcho<sup>2</sup> usum esse duce.

Obiter modo Plutarchus rem tangit. Qui quamvis Alexandrum summis saepe laudibus celebret, tamen propterea vehementer vituperat, quod Branchidarum noxiorum insontem prolem crudeliter trucidarit.<sup>3</sup>

Nec aliud Curtii iudicium est, dicentis:<sup>4</sup> „quae si in ipsos proditionis auctores excogitata essent, justa ultio esse, non crudelitas videretur: nunc culpam majorum posteri luere, qui ne viderant quidem Miletum, ideo et Xerxi non potuerant prodere.

Duo igitur fontium genera distinguenda sunt, Herodotus et scriptores, qui res gestas Alexandri enarraverunt.

Nunc vero, quid nostri aevi scriptores de Didymaei incendio statuerint, paullo accuratius examinemus. Iam facili negotio difficultatibus sese extricavit Clavierius.<sup>5</sup> Is enim existimat, quae Strabo, Curtius, alii tradiderint, nullius esse momenti, sed vanas posterioris aetatis fabulas. Persis enim post acceptam ad Mycalen cladem id agendum fuisse, uti Ionum animos non excitarent, sed sibi conciliarent. Dein Xerxi, ut Didymaei thesauris potiretur, auxilio Branchidarum opus non fuisse. Ipsos vero Branchidas sacerdotum gentem, non populum esse. (Quis hoc unquam dixit?)

<sup>1</sup> Curtius VII, 23 ed. Zumpt.

<sup>2</sup> Schoell. Griech. Litt. II, 112.

<sup>3</sup> Plutarch. de sera numin. vind. 12.

<sup>4</sup> Curtius VII, 23.

<sup>5</sup> Clavier mémoire sur les oracles pag. 131 ff.

Arrianum denique, qui optime res gestas Alexandri enarraverit, hanc rem silentio praeteriisse.

Cui Clavierii iudicio, etiamsi cunctanter, accessit R. Geſerus,<sup>1</sup> qui quamvis dubitet, num tota narratio a Clitarcho excogitata et efficta sit, tamen haud pauca ab eo addita esse censet, quo magis cruenta ultio a Branchidis petita Graecorum animis arrideret. Sed multo accuratius de ea re Soldanus<sup>2</sup> egit, quem etiam Urlichsius<sup>3</sup> secutus est.

Is igitur existimat, numquam fieri potuisse, ut Graecorum sacerdotes, vesania quadam correpti, templum fugienti barbarorum regi proderent, et in remotissimas Asiae latebras aufugerent. Sed hic mirus refutandi modus est. Cur quae nova et inaudita sunt, fieri omnino non possunt? Oblitus autem est Soldanus, complures commemorari sacerdotes, qui non modo templorum, sed etiam patriae proditores fuerunt.

Ita Eumedes, Minervae sacerdos, Palladium Temeno et Doriensibus, Argivorum urbem obsidentibus, tradidit, et ex urbe in Crium montem effugit.<sup>4</sup> Eodemmodo Crius, Achaeus vates, teste Pausania,<sup>5</sup> Dorienses edocuit, quomodo Lacedaemone potirentur.

Quod vero existimat, fore, ut Branchidarum nomen, si deorum indigenarum proditores fuissent, omnibus perosum esset, neque fano nomen scelere foedatum remaneret, hoc re vera accidisse videtur.

Nam in titulis, quorum magnus numerus in promptu est, Branchidae numquam nominantur. Plinius<sup>6</sup> vero et Pomponius Mela<sup>7</sup> disertis verbis declarant, oraculum Apollinis, quod olim Branchidarum nomen tenuerit, nunc Didymaeum appellari.

<sup>1</sup> Zeitschrift für Alterthumsw. pag. 827.

<sup>2</sup> Zeitschrift für Alterthumsw. pag. 570 ff.

<sup>3</sup> Rhein. Mus. 1856 pag. 7 ff.

<sup>4</sup> Scholia ad Callim. lavacr. Pall. v. 37. cfr. Plutarch Qu. Gr. 48.

<sup>5</sup> Pausanias III, 13, 3.

<sup>6</sup> Plinius N. H. V, 29 § 112. oppidum, oraculum Branchidarum appellatum, nunc Didymaei Apollinis.

<sup>7</sup> Pomponius Mela I, 17. Oraculum Apollinis, dictum olim Branchidae, nunc Didymaei.

Neque Varro<sup>1</sup> neque Conon<sup>2</sup> obstant, qui templi origines enarrantes, antiquo nomine usi sunt. Ubi vero Strabo dicit, τὸ μαντεῖον τοῦ Διδομέως Ἀπόλλωνος τὸ ἐν Βραγχιδαις<sup>3</sup> doctrinam suam prae se ferre studet.

Mihi igitur ob eam potissimum causam Branchidarum nomen obsolevisse videtur, quia Branchidae ipsi, templi et patriae proditores, Graecis omnibus odio fuerunt.

Alia autem, quae Soldanus affert argumenta, ex Clavierii commentatione hausta sunt. Neque vero in docti illius hominis sententiam ita discessit, ut totam de Branchidarum fuga et interitu narrationem tamquam fabulosam abjiceret. Sed Branchidas, thesaurorum proditores, Pedasenses esse censet, a Dario Milesiorum agro donatos. Pedasenses autem eam Milesii agri partem acceperunt, quae in montibus sita erat, planitiem vero et loca urbi adjacentia Persae ipsi obtinuerunt.<sup>4</sup>

Sed quomodo, quaeso, quae a mari non plus octodecim, stadia<sup>5</sup> aberant, montana, τὰ ὑπεράκρια, appellari possunt? Itaque cum Brunnio<sup>6</sup> statuo, interiores modo territorii Milesii partes in Pedasensium potestatem devenisse, Didyma vero, uti ipsam Milesiorum urbem, Persarum facta esse.

O. Müllerus vero,<sup>7</sup> etiamsi fabulam de Branchidarum interitu ob eam causam effictam esse censeat, ut immanis in Bactrorum quandam gentem commissa crudelitas honesta specie tegeretur, tamen, quae scriptores de templo prodito narrant, pro certis habenda esse existimat. Verumtamen ad fulciendam suam sententiam argumenta nulla affert.

Sed accuratissime et optime de Branchidarum proditione et templi incendio Brunnio<sup>8</sup> egit, cujus in sententiam etiam

<sup>1</sup> Varro ap. Lutat. l. c.

<sup>2</sup> Conon ap. Photium l. c. narr. 33. 44.

<sup>3</sup> Strabo XIV pag. 634.

<sup>4</sup> Herodot. VI, 20. τῆς δὲ Μυλησίης χώρας αὐτοὶ μὲν οἱ Πέρσαι εἶχον τὰ περὶ τὴν πόλιν καὶ τὸ πεδίον, τὰ δὲ ὑπεράκρια ἔδοσαν Κάρσι Πηδάσεσσι ἐκτῆσθαι.

<sup>5</sup> Strabo XIV, pag. 634.

<sup>6</sup> Brunn l. c. pag. 34.

<sup>7</sup> O. Müller kl. Schriften II, pag. 540.

<sup>8</sup> Brunn l. c.

Overbeckius<sup>1</sup> abiit. Ante omnia Brunnii bene mihi demonstrasse videtur, Milesiorum urbem a Dario rege non funditus eversam, neque ad unum omnes incolas Ampen in exilium deductos esse. Nam in enarranda Mycalesia pugna Herodotus Milesiorum exercitus mentionem facit.<sup>2</sup> Quibus cum Persae diffiderent, jussi sunt vias, quae ad summos Mycales montes ducebant, custodire et defendere. Ibi vero inter primos a Persis desciscientes, cum Graecis societatem inierunt.

Qua ex re manifesto apparet, Herodoti verba<sup>3</sup> „τῆς δὲ Μιλησίας χώρας αὐτοὶ μὲν οἱ Πέρσαι εἶχον τὰ περὶ τὴν πόλιν καὶ τὸ πεδίον“ non ita explicanda esse, uti a Persicis colonis territorium urbis occupatum esse censeas. Sed Persae administrandae Milesiorum reipublicae praepositi sunt.

Et cum Thierschius ad condendam novam Milesiorum urbem magnam Carum et Lyciorum et Ionum<sup>4</sup> multitudinem confluisse autumet, mihi contra maxima veterum incolarum pars in sedibus patriis remansisse, et optimates modo civitatisque principes Ampen in exilium deducti esse videntur.

Branchidae vero, etsi militum fera cupiditas, expugnata urbe, ne sanctissimo quidem Apollinis delubro pepercit, in terra remansisse videntur. Nam Herodotus memoriae non prodidit, sacerdotes quoque Ampen deductos esse.

Dein, uti jam vidimus, Didymaeum Persis semper favebat.

Hucusque Herodoti auctoritatem secuti sumus, et suis ipsis verbis eum refellere conati sumus. Nunc vero, quid de aliorum scriptorum narrationibus statuendum sit, paucis adumbremus.

Atque quoniam demonstravimus, auctores hos omnes ex commentariis de Alexandri magni rebus gestis hausisse, hoc mihi ante omnia certum esse videtur, Branchidas cum Xerxe in Sog-

<sup>1</sup> Overbeck Berichte d. saechs. Ges. d. Wiss. 1868 I pag. 70 sq.

<sup>2</sup> Herodot. IX, 99. τοῦτο δὲ τὰς διόδους τὰς ἐς τὰς κορυφὰς τῆς Μυκάλης φερούσας προστασσουσι τοῖσι Μιλησίοις φυλάσσειν, ὡς ἐπισταμένοιαι δῆθεν μάλιστα τὴν χώραν. cfr. 104.

<sup>3</sup> Herodot. VI, 20.

<sup>4</sup> Thiersch Epochen der bildenden Kunst pag. 146. „... nicht da Miletus, eine Mischung von Karern, Lykiern, Joniern und andren Asiaten, unter persischem Stabe geweidet ward.“

Gelzer, de Branchidis.

dianam provinciam aufugisse, Macedonesque his locis eorum posteros reperisse. Cui narrationi, cur fides abroganda sit, non intellego. Persae enim amicos suos, Themistoclem, Demaratum, Gongylum, alios magno honore habuere. Sogdiani igitur Branchidae Macedonibus narraverunt, se cum Xerxe post pugnam ad Mycalen factam locos illos petiisse. Et cur dubitemus, quin tunc temporis etiam in Branchidas, jam antea Persis faventes, timor invaserit, ne a Graecis ut patriae et templi proditores vindicarentur.

Neque in Herodoti silentio haereamus. Cum enim post pugnam ad Mycalen factam narrationi suae finem imposuisset, de Branchidarum fuga nulla apud eum mentio fieri potuit.

Xerxe itaque regnante, Branchidas aufugisse statuo. Sed errore quodam factum est, uti etiam templi incendium Xerxi imputaretur. Quoniam enim scriptores illi compererunt, sacerdotes sub Xerxe se in Asiam contulisse, existimaverunt, eodem tempore delubrum spoliatum et igne haustum esse. Quod tamen jam antea, regnante Dario, accidit.

Neque credibile est post cladem ad Mycalen acceptam Persarum reliquias, quae, ingenti terrore percussae, Sardis confugerunt, templum Apollinis incendisse.

Multo verisimilior Pausaniae narratio est, post Salaminiam calamitatem Xerxem fanum diripuisse. Sed de Canachi signo aëneo disputantes, postea pluribus hanc rem absolvemus.

Videmus ergo in eis, quae multorum scriptorum consensu nobis tradita sunt, haerendum non esse, neque propter Herodotum aliorum testimonia prorsus rejicienda esse.

Cum enim rerum ab Alexandro gestarum enarratores nimium orationem suam fabulis ornassent et illuminassent, jam eo venit, ut omnia, quae apud eos inventa essent, pro falsis existimarentur.

Quorum in spernenda auctoritate Clavierius justo plus progressus est.

Postea vero Milesii denuo Didymaeum templum erexerunt, sed tam amplum, ut nunquam ad finem perduceretur.<sup>1</sup>

<sup>1</sup> Strabo XIV, 634. Pausan. VII, 5. 4.

Architectis usi sunt Daphnide Milesio et Paeonio, qui etiam Ephesiae Dianae fanum aedificavit. Qui qua aetate floruerit, incertum est. Nam, cum O. Müllerus<sup>1</sup> intra nonagesimam et centesimam olympiadem eum vixisse existimasset, Urlichsius<sup>2</sup> et Brunnius<sup>3</sup> multo vetustiore eum censuerunt. Urlichsius enim, simulac Graecia post Mycalensem pugnam a barbaris liberata est, templum ab eo aedificatum esse arbitratur, Brunnio contra vix credibile esse videtur ante victoriam ad Eurymedontem reportatam templum aedificari coeptum esse.

Neque quo tempore Pericles omnes Graecos adhortatus est, uti una cum Atheniensibus templa a Persis diruta denuo aedificarent,<sup>4</sup> Didymaeum adhuc ruinis oppressum fuisse negaverim.

Et quamquam Herodotus singulos operis sui libros non uno tenore conscripsit, tamen ex verbis: „ἐν Βραγγίδῃσι ἣν γὰρ αὐτὸν μνηστῆρα ἐκ παλαιῶν ἰδρυμένον“<sup>5</sup> manifesto apparet, *tum*, cum haec verba scripsit, Didymaeum adhuc fuisse vastatum.

Mihi vero Taciti verba, a multis vexata, sed nondum explicata, ad constituendam novi templi aetatem apta esse videntur.

Is enim, ubi de confirmando asylorum jure egit,<sup>6</sup> dicit: „neque minus Milesios Dario rege niti.“

Qui quidem Darius nullo modo Hystaspis filius esse potest. An quis credat, direpto et exciso templo regem asyli jus donasse?

Si vero putamus, Darium Nothum, Ochum quem vocant, suo patrocinio fanum juvasse, omnia bene se habent. Is enim ab anno a. Ch. 424 usque ad a. 404 regnavit. Atque, eo regnante, templum a Paeonio aedificatum et jure asyli a Persa donatum esse censeo.

Postquam vero Macedonum victoriis Persarum imperium funditus eversum est, regum beneficiis Didymaeum oraculum denuo summam fortunam et gloriam, consecutum est.

<sup>1</sup> Archäologie der Kunst I, 1, 109.

<sup>2</sup> Rh. Mus. 1856 pag. 9.

<sup>3</sup> Brunn l. c. pag. 36.

<sup>4</sup> Plutarch. Pericles cap. XVII.

<sup>5</sup> Herodot. I, 157.

<sup>6</sup> Tac. Ann. III, LXIII.

Strabo auctor est,<sup>1</sup> Branchidarum fontem, cum post spoliatum combustumque templum defecisset, eo tempore denuo apertum esse, quo Alexander ad Iovis Ammonii oraculum iter fecisset.

Inter omnes autem reges, qui studio et beneficiis Didymaeum deum amplexi sunt, eminent Seleucidae, Syrorum domini. Seleuco enim Nicatori, gentis auctori et regni conditori, cum adhuc in Alexandri exercitu stipendia mereret, Didymaeus deus de futura magnitudine et felicitate responsum edidit, ita vaticinans:<sup>2</sup>

Μη σπεύδ᾽ Εὐρώπην, Ἀσὶν τοὶ πολλὸν ἀμείνων.

Etiam rex ab oraculo appellatus est. Quo nuntio militum animos, jamjam demissos, ita accendit, uti laeti cum imperatore Babylona proficiscerentur.<sup>3</sup>

Quin etiam rumores circumferebantur, matrem Seleuci, Laodicen, ex accubitu Apollinis concepisse.<sup>4</sup> Quamobrem etiam Sigei in sollemni psephismati, in primi Antiochi honorem proposito, Apollinem ἀρχηγέτην τοῦ γένους αὐτοῦ vocarunt.<sup>5</sup>

Postquam vero rex factus est, statuam dei aëneam, a barbaris Ecbatana asportatam, sacerdotibus remisit. Propterea Pausanias periegeta summis laudibus regem piissimum ornat.<sup>6</sup>

Seleuci dux, Demonax, teste Plinio, etiam ultra Iaxarten fluvium Philesio deo altaria extruxit.<sup>7</sup>

<sup>1</sup> Strabo XVII pag. 814. προστραφιδεῖ δὲ τούτοις ὁ Καλλισθένης, ὅτι τοῦ Ἀπόλλωνος τὸ ἐν Βραγχίδαις μαντεῖον ἐκλειοπότης, ἐξ ὅτου τὸ ἱερόν ὑπὸ τῶν Βραγχιδῶν σεσύλητο ἐπὶ Ξέρξου περσισάντων, ἐκλειοπνιάς δὲ καὶ τῆς κρίνης, τότε ἢ τε κρίνη ἀνάσχει καὶ μαντεῖα πολλὰ οἱ Μιθησίων πρέσβεις κομίσαιεν εἰς Μέμφιν περὶ τῆς ἐκ Διὸς γενέσεως τοῦ Ἀλεξάνδρου καὶ τῆς ἐσομένης περὶ Ἀρβήλα νίκης καὶ τοῦ Δαρείου θανάτου καὶ τῶν ἐν Λακεδαίμονι νεωτερισμῶν.

<sup>2</sup> Appian. Syriac. 56.

<sup>3</sup> Diodor. XIX, 90. ἐν μὲν γὰρ Βραγχίδαις αὐτοῦ χρηστηριαζομένου τὸν θεὸν προσαγορεῦσαι Σέλευκον βασιλέα.

<sup>4</sup> Justin. XV, 4.

<sup>5</sup> Eckhel doctr. n. v. III, 212.

<sup>6</sup> Paus. VIII, 46, 3. Σέλευκον δὲ βασιλέων ἐν τοῖς μάλιστα πείθομαι καὶ ἄλλως γενέσθαι δίκαιον καὶ πρὸς τὸ θεῖον εὐσεβεῖν. τοῦτο μὲν γὰρ Σέλευκός ἐστιν ὁ Μιθησίοις τὸν χαλκοῦν καταπέμψας Ἀπόλλωνα ἐς Βραγχίδας, ἀνακομισθέντα ἐς Ἐκβάτανα τὰ Μηδικὰ ὑπὸ Ξέρξου.

<sup>7</sup> Plinius VI, 15.



Ad nostram usque aetatem integer mansit titulus, qui litteras a regibus Seleuco et Antiocho datas continet, et amplissimorum regum munerum mentionem facit.<sup>1</sup>

Quibus in litteris praedicant, se Didymaeo Apollini magnum aureum candelabrum, calices et vasa aurea et argentea misisse, quibus ad sacra rite perpetranda Milesii uterentur. Vasa vero, quae donantur, dicuntur κομίζοντα πολιάνθην, interprete Chishullo, unguentum ex polio factum. Sed rectius mihi Boeckhiius vocem explanasse videtur, qui censet, πολιάνθην esse suffimenta ea, quae in fine epistolae commemorantur, turis (λιβανωτοῦ) decem talenta, murræ unum talentum, casiae, cinnamomi, costi binæ minae.

Dein etiam commemoratur, reges in splendidissimo sacrificio duodecim erexisse altaria et mille hostias maectasse.<sup>2</sup>

Chishullus et Boeckhiius<sup>3</sup> statuerunt, reges illos fuisse Seleucum Callinicum et Antiochum Hieracem. Sed multo melior Soldani<sup>4</sup> sententia est, existimantis, reges, templi fautores, esse Seleucum Nicatorem et Antiochum Sotera. Nam Callinicus et Hierax, quamdiu una summae imperii praefuerunt, semper sese invicem bello lacescebant. Idcirco non credibile est, conjunctos illos reges Didymaeo deo dona dedicasse. Antiochus vero, Seleuci Nicatoris filius, qui Stratonicea novercam perditæ amaverat et ob eam caussam gravi morbo implicitus erat, a patre impetravit, uti novercam in matrimonium duceret. Qua re perpetrata, superio-

<sup>1</sup> C. J. G. 2852. Βασιλεὺς Σέλευκος Μιλησίῳ τῇ βουλῇ καὶ τῷ δήμῳ χαίρειν. ἀπεστάλκαμεν εἰς τὸ ἱερὸν τοῦ Ἀπόλλωνος τοῦ ἐν Διδύμοις τὴν τε λυχνίαν τὴν μεγάλην καὶ ποτήρια χρυσᾶ καὶ ἀργυρᾶ εἰς ἀνάθεσιν τοῖς θεοῖς τοῖς σωτήρσι, κομίζοντα πολιάνθην, ἐπιγραφὰς ἔχοντα. ὑμεῖς οὖν, ὅταν παραγίνηται, λαβόντες αὐτὰ ἀγαθῇ τύχῃ ἀπόδοτε εἰς τὸ ἱερὸν, ἵνα ἔχητε σπένδειν καὶ χρᾶσθαι, ὑγιαίνοντων ἡμῶν καὶ εὐτυχοῦντων καὶ τῆς πόλεως διαμενούσης ὡς ἐγὼ βούλομαι καὶ ὑμεῖς, εἰς ἃ ἔχετε ἀπεσταλμένη τῆδε πολιάνθη· καὶ τὴν ἀνάθεσιν ποιούμενοι τῶν ἀπεσταλμένων συντελέσατε τὴν θυσίαν, ἣν συντετάχαμεν αὐτοί. συνεπιμελήθητε οὖν, ἵνα γένηται κατὰ τρόπον. τῶν δὲ ἀπεσταλμένων χρυσαυμάτων καὶ ἀργυρωμάτων εἰς τὸ ἱερὸν ὑπογέγραφα ὑμῖν τὴν γραφήν, ἵνα εἰδῆτε καὶ τὰ γένη καὶ τὸν σταθμὸν ἐκάστου· ἐββωσθε. Enumerantur singula dona, quibus regum liberalitas Milesios largita est.

<sup>2</sup> προστήγαγεν δὲ καὶ θυσίαν τῷ θεῷ ἱερῆα χίλια καὶ βωμοὺς δώδεκα.

<sup>3</sup> Boeckh. ad. C. J. G. 2852.

<sup>4</sup> Zeitschrift für Alterthumswissenschaft pag. 575.

rum Asiae provinciarum rex factus est.<sup>1</sup> Itaque bene et Seleucus et filius in titulo nostro βασιλεῖς nominantur.

Etiam nummi Milesiorum effigie regis Antiochi signati sunt,<sup>2</sup> et filius ejus, Antiochus II primus ab eis deus nuncupatus est, quoniam a Timarcho tyranno eorum urbem liberaverat.<sup>3</sup>

Atque in titulo, a Boeckhio jure Didymis vindicato, donum „ἀνάθημα“ Stratonices reginae commemoratur.<sup>4</sup>

Nec minus Ptolemaei oraculo benevolentiam praestabant. Ex titulo<sup>5</sup> enim, qui prophetarum catalogum continet, certiores sumus, Sopolidis filium, prophetam, Alexandriam profectum, a rege Ptolemaeo fores eburneas ad exornandum templum accepisse.

Etiam Bithyniae reges fano amplissima dona consecrarunt.

Prusias enim venator, postquam Pergamum urbem diripuit a. Ch. 156, magnam urnam, phialam et calices duos, quos Prusiasdas vocant, primitias Didymaeo Apollini misit.<sup>6</sup>

Praeterea Camasarye regina, fortasse Prusiae uxor, templo dona misit.<sup>7</sup> Atque de Nicomede Epiphane, Prusiae filio, qui patri in regno successit, Scymnus<sup>8</sup> haec dixit:

<sup>1</sup> Plutarch. Demetr. 38. Lucian. de Syria dea. 18.

<sup>2</sup> Eckhel D. N. III pag. 216.

<sup>3</sup> Appian. Syriac. 65.

<sup>4</sup> C. J. G. 2860.

<sup>5</sup> C. T. Newton a history of discoveries at Halicarnassus, Cnidus and Branchidae. London. Day and son. 1863. vol. II part. II pag. 775 u. 776.

Qui quidem titulus a Newtonio ita restitutus est: πρεσβεύσας] δὲ καὶ εἰς Ἀλεξανδρίαν τὴν πρὸς [βασιλευσαν Κλεοπάτραν καὶ πρὸς βασιλέα Πτολεμαῖον βασιλέως [Πτολεμαίου] θεοῦ νέου Διονύσου. . . .

Sed verba εἰς Ἀλεξανδρίαν τὴν πρὸς βασιλευσαν Κλεοπάτραν recta esse nequeunt. Legendum est: εἰς Ἀλεξανδρίαν τὴν πρὸς Αἰγύπτῳ collatis Marini verbis (vita Procli 8, 1 pag. 16.) ἐπ' ὅλην δὲ ἐν Αὐλίᾳ φετῆσας γραμματικῶν, ἀπῆρεν εἰς τὴν πρὸς Αἰγύπτῳ Ἀλεξανδρείαν.

<sup>6</sup> C. J. G. 2855. φετῆς Ἀπόλλωνος Διούμεως ἐκ τῆς ἀποσταλείσης ἀπαρχῆς ὑπὸ βασιλέως Προυσίῳ, ὅλην ἄγουσα Ἀλεξανδρείας τρακοσίας . . . βασιλέως Προυσίῳ Προυσιάδης δύο, ὅλην ἄγουσα ἢ μὲν Ἀλεξανδρείας ὀτακοσίας καὶ δέκα, ἢ δὲ ὀτακοσίας τριάκοντα ἕξ.

<sup>7</sup> βασιλίσσης Καμασαρύνης . . . χρυσῶς ὅλην ἄγων χρυσῶς ἑκατὸν ὀγδόηκοντα ἐπτά ἡμέχρυσον. C. J. G. 2855. (cfr. etiam adnotationes Boeckhii).

<sup>8</sup> Anonymi (v. Scymni) orbis descriptio v. 55—60. — C. Müller Geogr. minor. I pag. 197.

Διὸ τῇ προθέσει σύμβουλον ἐξελεξάμεν  
 τὸν συγκατορθώσαντα καὶ τῷ σὺ πατρὶ  
 τὰ τῆς βασιλείας πρότερον, ὡς ἀκούομεν  
 παρὰ σοὶ ἔε, βασιλεῦ, γνησίως τιμώμενον  
 κατὰ πάντα, τὸν Ἀπόλλωνα τὸν Διόμη λέγω,  
 τὸν καὶ θεμιστεύοντα καὶ μουσηγέτην.

Neque coloniarum splendidissima, Cyzicus, urbis patriae delubrum neglexit, sed, uti Syriae et Bithyniae reges largitionibus opulentis ornavit.<sup>1</sup> Eodemmodo Asopis, Milesiorum tribus, deo canistrum obtulit.<sup>2</sup>

Iam ad tantum honoris et potentiae fastigium Branchidarum oraculum evectum est, uti quotannis ad celebranda magna Didymaea legati undique convenirent, qui urbium dona deo offerrent.

In titulo igitur, cujus jam supra mentionem fecimus, singulae enumerantur theoriae, quae sub ductu architheori cujusdam urbium suarum dona Didymaeo templo intulerunt. Commemorantur enim dona Ephesiorum, regis Ptolemaei et Alexandrinorum, Pisierati Rhodii, Rhodiorum, ... aris Macedonis, Stratonices reginae, Trallianorum et iterum regis Ptolemaei. Qui etiam, cum cantorum chorus phialam Apollini praebuisset, ipse sumptus fecit.<sup>3</sup>

Milesiorum urbs — nescimus quo tempore — a Romanis [fortasse a Sulla?] instituendorum comitiorum jure privata est, neque legibus, quae a patribus traditae erant, uti civibus licebat. Sed idem propheta, cujus jam antea mentionem fecimus, filius Sopolidis, Romam profectus, a senatu impetravit, ut pristinus reipublicae status restitueretur.<sup>4</sup>

Sub idem fere tempus templum ditissimum, sicuti Epidau-

<sup>1</sup> C. J. G. 2855. Κυζικηνῶν φιάλη ὀλκὴν ἄγουσα Ἀλεξανδρείας ἐκατόν  
 C. J. G. 2858. Κυζικηνῶν φιάλη ἐφ' ἧς ἐπιγραφὴ, ὀλκὴ Ἀλεξανδρείαι ἐκατόν.

<sup>2</sup> κανὼν φυλῆς τῆς Ἀσωπίδος (B. Ἀσωπίδος) ὀλκὴν ἄγον Ἀλεξανδρείας  
 πεντακοσίας. C. J. G. 2855.

<sup>3</sup> C. J. G. 2860.

<sup>4</sup> πρεσβέυσας δὲ καὶ εἰς Πώ[μην καὶ] καταστήσας τήν τε πρό[τερον]  
 ἐκκλησίαν τῷ δήμῳ καὶ τοῖς νόμοις. Newton Discoveries Vol. II, Part. II  
 pag. 775. Nr. 60.

rium, Clarium, Samothracium, alia permulta, a praedonibus direptum est.<sup>1</sup>

Ad quam Didymaei delubri calamitatem alludere videtur Arnobius, ita referens:<sup>2</sup>

Ubi denique Apollo divinus, cum a piratis maritimisque praedonibus et spoliatus ita est et incensus, ut ex tot auri ponderibus, quae infinita congesserant saecula, nec unum quidem habuerit scrupulum, quod hirundinibus hospites (Varro ut dicit in Menippeis) ostenderet?

Romani vero eximio honore Milesiorum deum prosecuti sunt. Nam, teste Ulpiano, in eorum deorum fuit numero, quos senatusconsultis constitutionibusve principum heredes instituere concessum erat.<sup>3</sup>

Caligula imperator vastum dei templum, antea inceptum, ad finem perducere conatus est;<sup>4</sup> quamobrem etiam Milesii Drusillae divinos honores attribuerunt.<sup>5</sup>

Regnante vero Hadriano, Qu. Iulius Balbus, proconsul, Caesaris jussu, dedicationem Didymaeo deo fecit, atque opus ipsum L. Passerius Romulus,<sup>6</sup> legatus pro praetore curavit. Nec minus Commodus fani fautoribus adnumerandus est. Certe enim non sine caussa factum est, uti posteriore tempore magni ludi Didymei Διδύμεια Κομμόδια nuncuparentur.<sup>7</sup>

<sup>1</sup> Plut. Pomp. XXIV.

<sup>2</sup> Arnobius adv. gentes VI pag. 245 ed. Elmenhorst.

<sup>3</sup> Ulpian. frgm. XXII, 6. Huschke pag. 483. Deos heredes instituere non possumus praeter eos, quos senatusconsultis constitutionibusve principum instituere concessum est, sicuti Jovem Tarpejum, Apollinem Didymaeum Miletii, Martem in Gallia, Minervam Iliensem, Herculem Gaditanum, Dianam Efesiam, Matrem deorum Sipylonem, quae Smyrnae colitur et caelestem Selenen, deam Carthaginis.

<sup>4</sup> Sueton. Calig. XXI Dio Cassius 59, 28.

<sup>5</sup> Eckhel D. N. Vol. II, 531.

<sup>6</sup> C. J. G. 2870. ἀναπληρωθέντων πάντων ἐνεγείρησεν, ἐτέλεσεν, καθιέρωσεν διὰ Κοίντου Ἰουλίου Βάλβου ἀνθυπάτου, ἐπιμεληθέντος Λουκίου Πατσερίου Ῥωμύλου πρεσβευτοῦ καὶ ἀντιστρατηγοῦ. (Quae sequuntur apud Boekhium, cum antecedentibus non cohaerent).

<sup>7</sup> C. J. G. 2882 [ἀγωνοθῆ] της τῶν μεγάλων Διδυμείων [Κομ.]μοδίων C. J. G. 2885 C. παν(ηγυρ)ιάρχ(ου Διδυμ)είων Κομμο(δ)εί(ων).

Caracalla denique imperator per Iulium Quintinianum deo donum misit eo tempore, quo P. Egnatius Victor Lollianus iterum proconsulatu fungebatur.<sup>1</sup>

Usque ad ultimam Graecae religionis aetatem Didymaeum oraculum magna fruebatur auctoritate. Ita Apollonium Tyanenum divino spiritu tactum esse, affirmarunt sacerdotes.<sup>2</sup>

Alexander contra Abonotichites, oraculum petentes et Clarum et Mallum et Branchidas misit. Quibus autem suasit, ut Didymaeum deum consulerent, hunc versum dixit:

Βραχιδεων ἀδύτοισι πελάζω καὶ κλῶε χρησμάτων.<sup>3</sup>

Lucinius imperator, cum Constantino pugnaturus, ex adyto hoc retulit responsum:

ὦ γέρον, ἡ μάλα δὴ σε νέοι τείρουσι μαχηταί  
σὴ δὲ βίη λήλυσται χαλεπὸν δὲ σε γήρας ὁπάζει.<sup>4</sup>

At Eusebius Pamphili auctor est, suo tempore theologos et sacerdotes nonnullos, postquam a iudicibus Romanis tormentis quaesiti sunt, fallacia sua praestigiasque confessos esse. Quorum in numero et alii Christianis inimicissimi et Milesius propheta

<sup>1</sup> Lebas Asie Mineure Nr. 232. τοῦ λαμπροτάτου ὑπατικοῦ Ἰουλίου Κοντίνιανοῦ ἐκ φιλοδοξίας τοῦ Σεβαστοῦ ἐπὶ ἀνθυπάτου τὸ β' Ἐγνατίου Λολλιανοῦ cum nota Waddingtoni. Cum enim sub Septimio Severo Lollianus in Pannonia legatus fuisset, probabile est, proconsulatu eum sub Caracalla functum esse.

<sup>2</sup> Philostrat. vit. Apollon. IV, 1 ed. Kayser λόγοι τε περὶ αὐτοῦ ἐφώτων οἱ μὲν ἐκ τοῦ Κολοφῶνι μαντείου κοινωνόν τῆς αὐτοῦ σοφίας καὶ ἀτεχνῶς σοφὸν καὶ τὰ τοιαῦτα τὸν ἄνδρα ᾗδοντες, οἱ δὲ ἐκ Διούμων, οἱ δὲ ἐκ τοῦ περὶ Περγᾶμον ἱεροῦ.

<sup>3</sup> Lucian. Alexander cap. XXIX.

<sup>4</sup> Sozomen. hist. eccles. I, 7 pag. 408. τοῦ προσδοκωμένου πόλεμου πρόνοιαν ἐποιεῖτο διὰ τε στραγίων καὶ μαντείων, καὶ ὑπαρχθεὶς τισιν ὑπισχνουμένοις αὐτῇ κρατῆσεν, εἰς Ἑλληγισμὸν ἐτράπη· ἀμέλει τούτων καὶ Ἕλληγνές φασιν αὐτὸν τότε περὶσθῆναι τοῦ ἐν Μιλήτῳ μαντείου τοῦ Διδυμαίου Ἀπόλλωνος. ἐρομένην δὲ αὐτῷ περὶ τοῦ πολέμου χρῆσαι τὸ δαμνόντων τούτους τοὺς Ὀμηρικοὺς στίχους (Ilias 8, 100) ὦ γέρον κτλ.

philosophusque fuere.<sup>1</sup> Cum titulus apud Lebasium Philidam, prophetam et Epicureum philosophum commemoret, non est cur offendamus in philosophanti Branchidarum propheta.

Novissimus vero, qui venerabundus Apollinis fanum adiit, Iulianus imperator fuit. Is enim se sorte Didymaei fani prophetam<sup>2</sup> creatum esse praedicat, atque sacella, quae christiani prope Apollinis fanum in martyrum honorem extruxerunt, funditus deleri jussit.<sup>3</sup> Atque ex titulo apparet, imperatorem per aliquod tempus in Milesiorum agro commoratum esse.<sup>4</sup>

Iuliano vero defuncto, templum a Christianis, uti Eleusinium adytum, Serapeum, alia fana, devastatum ac profanatum esse videtur.

### § 3.

#### De Didymaeis deis eorumque cultu.

Postquam Branchidarum historiam inde ab originibus usque ad ultima saecula tractavimus, nunc ad deos ipsos eorumque cultum transeundum est.

In Milesiorum agro prope Posideum promontorium Branchidarum oppidum situm est. Abest a Milesiorum urbe CLXXX stadia, et a mari secundum Strabonem<sup>5</sup> octodecim, secundum

<sup>1</sup> Euseb. Pamph. praepar. evang. IV, 2, 11—13 ed. Heinichen . . . Ἰβδη καὶ τῶν ἄγαν θεοφόρων, αὐτῶν δὲ τῶν μάλιστα ἱεροφαντῶν, θεολόγων τε αὐτοῖς καὶ προφητῶν πλείους οὐ μόνον πάλαι ἀλλὰ καὶ ἔναγχος κατ' ἡμᾶς αὐτοὺς ἐπὶ τῇ θεοσοφίᾳ ταύτῃ βοηθέντες, διαβάσαντων αἰκίας ἐπὶ τῶν Ῥωμαϊκῶν δικαστηρίων, τὴν πᾶσαν ἐξεφώνησαν πλάνην ἀνθρώπων ἀπάταις γίνεσθαι, καὶ γοητεῖαν τε τεγνασμένην τὸ πᾶν εἶναι ὁμολογήσαντες . . . οἱ μὲν γὰρ αὐτοῖς ἀπὸ τῆς θαυμαστῆς ταύτης καὶ γενναίας φιλοσοφίας ὥρμωοντο, τῶν ἀμφὶ τὸν τρίβωνα καὶ τὴν ἄλλην ὁρῶν ἀνεσπαράχτων, οἱ δὲ ἀπὸ τῶν ἐντέλει τῆς Ἀντιγχείων ἡλίσκοντο πόλεως, οἱ δὲ μάλιστα καὶ ἐπὶ ταῖς κατ' ἡμῶν ὕβρεσιν ἐν τῷ κατ' ἡμᾶς θωγμῷ λαμπρυνόμενοι. Ἰσμεν δὲ καὶ τὸν φιλόσοφον ὁμοῦ καὶ προφήτην τὰ ὅμοια τοῖς εἰρημένους κατὰ τὴν Μίλητον ὑπομείναντα.

<sup>2</sup> Julian. ep. LXII pag. 129 ed. Heiler ἔλαχον δὲ νῦν καὶ τοῦ Διὸς μαῖου προφητεύειν.

<sup>3</sup> Sozomenus hist. eccles. V, 20.

<sup>4</sup> Lebas As. min. Nr. 234. Φλ. Κλ. Αὐτοκράτωρ Ἰουλιανὸς Αὐγούστος ἀπὸ τῆς πόλεως μίλι(α) δ'.

<sup>5</sup> Strabo XIV pag. 634.

Plinium<sup>1</sup> viginti stadia. Nostro tempore in loco qui splendore templorum et frequentia peregrinantium antiquitus celebrabatur, arborum varia genera progerminant ac pullulant.<sup>2</sup> Neque tamen templi praesepisque vestigia omnino deleta sunt. Sed antiquorum lucorum locus mastiche, virgultis atque dumetis obrutus est, et villici vicini agros sacros tritico conseruerunt, quod jam a veteribus celebratur. Orpheus<sup>3</sup> enim, quem vocant, Branchi campum, tritico ditissimum commemorat.

Locus ipse vel Branchidae a sacerdotibus, vel Didymi,<sup>4</sup> Didyma, Didymaeum a deis nominabatur.

Sed qui sunt illi Didymi? Welckerus<sup>5</sup> multis argumentis demonstrare conatus est, διόμους esse Latonae geminos, Apollinem et Dianam. Verumtamen quae loco citato docte disputavit, non ex sententia veterum disputata sunt. Etenim Stephanus Byzantinus,<sup>6</sup> Didyma esse locum et oraculum Miletī, *Iori et Apollini consecratum*, memoriae prodidit. Callimachus autem, poeta rerum sacrarum peritissimus, in carmine quod inscribitur Βράγχος, ita Didymaeos invocat deos:<sup>7</sup>

Δάιμονες εὐρυμώτατοι, Φαῖβέ τε καὶ Ζεῦ, Διόμῳνον γενέσχεαι.

Quibus veterum testimoniis nisus, Iovem et Apollinem deos Didymaeos vocitatos esse censeo. Nonnulli quidem,<sup>8</sup> quia ex caussa Iupiter a Callimacho invocatus sit, ita explicare studuerunt, ut Aeschyli versus afferrent:

<sup>1</sup> Plinius N. h. V, 29.

<sup>2</sup> Ionian antiquities, published with permission of the society of Dilettanti. London 1769. pag. 45 sq.

<sup>3</sup> Argonaut. v. 150. ἤλωθε δ' Ἐργῆνος Βράγχος πολύπορον ἀρουρὰν ἐκ-  
προλιπών.

<sup>4</sup> ἐς Διόμους Paus. VII, 2, 6.

<sup>5</sup> F. G. Welcker Griechische Götterlehre I, 527.

<sup>6</sup> Stephan. Byz. s. v. Διδύμα· τόπος καὶ μαντεῖον Μιλήτου, ἀφιερωμένον  
Διὶ καὶ Ἀπόλλωνι.

<sup>7</sup> Hephaestion de metris ed. Gaisford pag. 53. Etymol. magnum ed. Gaisford s. v. Διδύμαϊος. Bergk Anthologia Lyrica 1868 pag. 162 fragm. Callimachi Nr. 189.

<sup>8</sup> Soldan Zeitschrift für Alterthumswissenschaft 1841 pag. 563.

Διὸς προφήτης δ' ἐστὶ Λοξίας πατρός.<sup>1</sup>

Στέλλειν ἔπος τάχιστα· τὰυτα γὰρ πατρός  
Ζεὺς ἐγκαθίει Λοξίᾳ θεοσίματα.<sup>2</sup>

Sed hanc sententiam jam Hoeckius<sup>3</sup> refutavit. Cui in hac una re assentire nequeo, quod Iovis cultum antiquiorem, quam Apollinis esse statuit, cum Apollo Ionum deus sit. Verisimile enim est, jam antiquis temporibus Graecorum gentes Lydiae Cariaeque litora inhabitasse.

Ineptas denique etymologias, quas veterum nonnulli de voce, quae est Διδυμαῖος protulerunt, silentio praeterire mihi liceat.<sup>4</sup>

Recte Plinius de Branchidarum oppido locutus est. Etenim, etsi praeter sacerdotes et aedituos nemo Didymis inhabitasse videtur, tanta tamen fuit templorum abundantia, ut bene oppidi nomine Branchidae ornarentur. Strabo enim refert,<sup>5</sup> murum, qui delubrum circumdabat, vici totius habitationes excepsisse, atque intra et extra murum lucos esse, amoenos; praeterea etiam alia esse fana et sacella et Phileii dei oraculum.

Templa vero, quorum apud Branchidas mentio fit, haec sunt:

1. Apollinis maximum delubrum.
2. sedes oraculi, quam Strabo apertis verbis ab Apollinis templo distinguit. Eodemmodo etiam Herodotus<sup>6</sup> templum ab oraculo discernit „ὁ νηὶς τε καὶ τὸ χρηστήριον“ et Conon<sup>7</sup> „Βράγχος προῦστήχει τοῦ ἱεροῦ καὶ τοῦ μαντεῖου.“
3. templum Dianae Pythiae.
4. Caborum fanum.

Sed nunc de singulis Branchidarum deis eorumque sacerdotibus agere nobis liceat. Iovis fanum nusquam commemoratur.

<sup>1</sup> Aesch. Eumenid. v. 19.

<sup>2</sup> Aesch. fragm. ex tragoedia quae inscribitur ἱερεῖς, servatum a Macrobio Saturn. V, 22.

<sup>3</sup> Hoeck Kreta II pag. 322.

<sup>4</sup> Lucian. de astrolog. 23. Macrobi. Sat. I, 17.

<sup>5</sup> Strabo XIV pag. 634. Κώμης γούνη κατοικίαν ὁ τοῦ σηκοῦ περιβόλος δέδεκται καὶ ἄλλος ἐντός τε καὶ ἐκτός πολυτελής· ἄλλοι δὲ σηκοὶ τὸ μαντεῖον καὶ τὸ ἱερόν συνέχουσιν.

<sup>6</sup> Herodotus VI, 19.

<sup>7</sup> Conon narrat. 44. apud Photium patr. cod. 186.



Et cum ipse et Apollo, διδύμων nomine ornati, arctissime inter se cohaereant, valde probabile est, cellam quandam in magno Apollinis delubro Iovi patri, sicuti Erechtheo sacellum in Minervae Poliadis templo, consecratum fuisse.

Θεοὺς igitur συνάμους eos fuisse existimo. Unus modo exstat locus, quo de Iovis Didymaei sacris agitur. Affertur enim ab Athenaeo<sup>1</sup> ex Nicandri, Clarii sacerdotis, primo rerum Aetolicarum libro, hederæ foliis libamenta Iovi patri data esse.

Nunc vero ad Apollinis splendidissimum cultum nos convertamus. Iam antea Strabonis<sup>2</sup> locum attulimus, qui memoriae prodidit, Milesios Branchidarum fanum, a Persis incensum, de integro condere coepisse. Aedificandi autem descriptio tanta fuit, ut numquam ad finem perduceretur.<sup>3</sup>

Templum magnificentissimum διπτέρων δεκαπύλων ordini ascribendum est.<sup>4</sup>

At Christiani et Mahomedani in destruendo Branchidarum sacro summum studium collocarunt. Chandlerus enim memoriae prodidit,<sup>5</sup> christianam ecclesiam, jam suo tempore devastatam, ex aedis Graecae columnis lapidibusque aedificatam esse, et Mahomedanos vicinos templo lautumiae loco usos esse, ita ut ex pristina magnificentia quatuor modo columnae incolumes remanserint, quas Whelerus quidem vidit. Chandleri autem aetate duae jam corruerunt, ita ut et in Ionicis antiquitatibus et in graphico itinerario, quod illustrissimus comes de Choiseul<sup>6</sup> conscripsit, duae modo columnae delineatae sint.

In templo signum Apollinis fuit aëneum excelsa magnitudine, quod diligenter a Plinio descriptum est.<sup>7</sup>

<sup>1</sup> Athenaeus XI pag. 477 B. ἐν τῇ ἱεροποιίᾳ τοῦ Διδυμαίου Διὸς κισσοῦ σπονδοποιεῖνται, ὅθεν τὰ ἀρχαῖα ἐκπώματα κισσύβια φωνέεται.

<sup>2</sup> Strabo XIV, pag. 634.

<sup>3</sup> Pausanias VII, 5, 4 οὗο δὲ οὐκ ἐξειργασμένα (scil. ἱερὰ) Ἀπόλλωνος, τό τε ἐν Βραγγίδαις τῆς Μιλησίας καὶ ἐν Κλάρῳ τῇ Κολοφωνίων.

<sup>4</sup> O. Müller Archäologie der Kunst pag. 97.

<sup>5</sup> Ionian Antiquities I, pag. 45, 46.

<sup>6</sup> M. le comte de Choiseul-Gouffier voyage pittoresque de la Grèce Tom. I. Paris 1782.

<sup>7</sup> Plinius N. H. XXXIV, 19 § 75.

„Canachus Apollinem nudum, qui Philesius cognominatur, in Didymaeo, Aeginetica aeris temperatura fecit, cervumque una ita vestigiis suspendit, ut linum subter pedes trahatur, alterno morsu digitis calceque retinentibus solum, ita vertebrato dente, utrisque in partibus, ut a repulso per vices resiliat.“

Odofredus Müllerus<sup>1</sup> praeclare demonstravit, exempla quaedam illius statuae usque ad nostram aetatem pervenisse. Nam Apollinis nonnulla signa, prisco veterum artificum more ficta, Apollinis imagini simillima sunt, qua Milesii nummos suos signaverunt, atque a probabilitate non recedit, in nummis illis ipsam Philesii Apollinis effigiem, a Canacho fictam, esse expressam. Verum, ne quae Muellerus optime disseruit, denno repetam, hoc loco subsistam.

Praeter Plinium etiam Pausanias Apollinis Didymaei simulacrum commemorat. In libro octavo<sup>2</sup> refert, Xerxen Milesiis, quod illi de industria navali contra Athenienses in Graecia praelio commisso, infeliceiter pugnassent, aëneum, qui Branchidis fuerat, Apollinem ademisse, multis vero annis post Seleucum Milesiis remisisse.

Similiter in primo libro<sup>3</sup> summis laudibus effert Seleucum, piissimum regem, qui Apollinem a barbaris Ecbatana in Medorum terram transportatum, sacerdotibus remisit. Atque de Ismenio Thebanorum Apolline disputans,<sup>4</sup> qui sicuti Philesius a Canacho fictus est, nil inter se differre duas illas statuas affirmat, nisi quod Thebanus cedrinus, Milesius contra aëneus sit.

Sed cum de tempore, quo vixit Canachus artifex, antea nil pro certo constaret, Thierschius<sup>5</sup> primus probavit, duos distinguendos esse Canachos, quorum alter circa Olympiadem XCV, alter vero multo ante eam Olympiadem floruerit.

Verumtamen miror, Soldanum,<sup>6</sup> qui et O. Muellerum et

<sup>1</sup> O. Müller kleine Schriften II pag. 542 (c. not. 1) pag. 513 (c. not. 3 et 4) pag. 544 (c. not. 1 et 2).

<sup>2</sup> Pausan. VIII, 46, 3.

<sup>3</sup> Pausan. I, XVI, 3.

<sup>4</sup> Pausan. IX, 10, 2.

<sup>5</sup> Thiersch Epochen pag. 142 ff.

<sup>6</sup> Zeitschrift für Alterthumswissenschaft pag. 549.

Thierschium commemoravit, aëneam Apollinis statuam a Canacho, Polycleti discipulo, fictam esse censere. Nam quomodo Xerxes vel Darius simulacrum subducere potuit, quod ab artifice, his regibus aetate minore, fictum est? Quam statuam, quominus aliam fuisse putemus, prohibent veterum testimonia, quae dilucide probant, Apollinem aënum, Canachi opus, et simulacrum a Persarum rege abreptum, unum idemque esse.

Si vero de tempore, quo illa statua ficta sit, nobis agendum est, Soldani<sup>1</sup> et Urlichsii<sup>2</sup> sententiam missam faciam, qui jam a Dario rege abreptum Apollinem esse statuunt. Nam in eis, quae antecedunt, probasse mihi videor, narrationem de Branchidarum fuga non fabulae instar abjiciendam esse.

Nulla ergo caussa est, cur repudiatis veterum luculentis testimoniis, a Xerxe rege simulacrum subduetum esse negemus.

Itaque ante pugnam Salaminiam simulacrum a Canacho fictum esse necesse est. Sed nil aliud certis argumentis enucleari posse bene monuit Overbeckius.<sup>3</sup>

Nam utrum multis annis ante Darium an post urbis templi incendium statua ficta sit, dijudicare non possumus.

Thierschius vero, qui florentissimis Milesiorum rebus multis ante Ionum seditionem annis fictam esse dei imaginem censuit, sub divo colossus fuisse arbitratus est.<sup>4</sup> Sed consentiente Urlichsio hanc Thierschii sententiam refutavit Brunnius, qui ipsius templi simulacrum a Canacho factum esse censet. Neque tamen ei concedendum est statuam, postquam delubrum a Dario incensum et devastatum est, a Thebanis Phileio deo dono missam esse.<sup>5</sup>

Cur fieri non potuit, ut a sacerdotibus simulacrum, jam antea fictum, in hoc rerum discrimine servaretur?<sup>6</sup>

<sup>1</sup> Zeitschrift für Alterthumswissenschaft pag. 574.

<sup>2</sup> Rhein. Mus. 1856. pag. 8.

<sup>3</sup> Bericht der sächs. Gesellsch. der Wissensch. 1868 I pag. 73.

<sup>4</sup> Epochen der bildenden Kunst pag. 133.

<sup>5</sup> Brunn die Kunst bei Homer pag. 33.

<sup>6</sup> Etiam Overbeckius ante urbis excidium fictum esse Apollinem censet (l. c. pag. 75).

Verum ne in plane incertis longius aequo commorer, hic subsistam.

Nemo jam dubitabit, quin tantae auctoritatis fanum magna sacerdotum caterva frequentatum fuerit. Quorum in numero principem locum obtinuit ὁ στεφανηφόρος, ejus in titulis saepissime mentio fit.<sup>1</sup>

Sed fortasse quispiam dixerit, non recte pro sacerdote haberi illum στεφανηφόρον. Etenim fere in omnibus Cariae urbibus, Mylasis,<sup>2</sup> Stratoniceae,<sup>3</sup> Aphrodisiade,<sup>4</sup> Iasi,<sup>5</sup> Halicarnassi<sup>6</sup> stephanephorī magistratuum munere funguntur, et „ἄρχοντες ἐπώνυμοι“ sunt. Accedit, quod fere omnibus titulis Milesiacis stephanephorī nomen tamquam summi magistratus ascriptum est.

Verumtamen in contrariam partem haec dicenda sunt. Primum enim summus apud Milesios magistratus, teste Aristotele,<sup>7</sup> prytanis nuncupatur. Atque in titulis<sup>8</sup> commemoratur ὁ ἀρχιπρότασις.

Dein nusquam, nisi in sacris titulis, qui ad templum Didymaeum sacerdotesque spectant, stephanephorī mentio fit. Itaque quemadmodum in Acarnanum titulis praeter civilem eponymum etiam sacer commemoratur, ὁ ἱεράπολος,<sup>9</sup> qui vocatur, et sicuti Oropi eponymus civilis ὁ ἄρχων, sacer autem ὁ τοῦ Ἀμφιαράου ἱερεὺς<sup>10</sup> fuit, ita etiam Branchidarum sacrum eponymum stephanephorum fuisse censeo. Ideo ejus nomen in sacrorum titulorum initio exstat. Quamobrem etiam legimus, festos Apollinis dies celebratos esse ex decreto praetorum et stephanephororum,<sup>11</sup> uti civiles et sacri magistratus una id navarent. Tum vero in titulo

<sup>1</sup> C. J. G. 2852. 2853. 2855 etc.

<sup>2</sup> C. J. G. 2693 c. 2693 e. etc.

<sup>3</sup> C. J. G. 2715.

<sup>4</sup> C. J. G. 2766.

<sup>5</sup> C. J. G. 2673. 2674. 2675. 2677 etc.

<sup>6</sup> Newton Discoveries II, 2 pag. 703 Nr. 12 a.

<sup>7</sup> Aristot. Polit. VIII, pag. 203, 16 ed. Bekker.

<sup>8</sup> C. J. G. 2881 et 2878.

<sup>9</sup> C. J. G. 1793.

<sup>10</sup> Rhangab. antiqu. hellén. Nr. 679.

<sup>11</sup> Lebas voy. archéol. Inscr. Nr. 222.

quodam nominatur στεφανηφόρος τοῦ θεοῦ. Quo ex nomine manifesto apparet, Apollinis eum sacerdotem fuisse. Denique etiam aliis in urbibus στεφανηφόροι inveniuntur, qui sacerdotum munere functi sunt. Ita apud Tarsenses stephanephorus Herculis sacerdotio ornatus fuit.<sup>1</sup>

Pari modo Magnesiae stephanephorus Minervae sacerdos fuit.<sup>2</sup>

Videmus igitur stephanephorum apud Branchidas templi Apollinis antistitem fuisse.

Secundum deinde locum propheta obtinuit. Quamquam non ipse vaticinatur, tamen vaticinia interpretatur, χρησμοδίων ἐξηγήτης ἐστι. Proprius vero ποιῆτα, qui oracula versu inclusit, nusquam commemoratur. Nam false a Soldano<sup>3</sup> et Wolfio<sup>4</sup> titulus quidam explicatus est. Ibi enim invenimus: <sup>5</sup>προφητεύοντος δὲ Ἀντιπάτρου τοῦ Μενεστράτου, κατὰ ποιήσιν δὲ Μενάνδρου τοῦ Μαίωνος. „κατὰ ποιήσιν“ significat καθ' ὁμοθεσίαν. Menander igitur non versus pepigit, sed Antipatrum adoptavit.<sup>6</sup>

Oracula vero ipsa, uti Delphis Pythia et Dodonae ἡ Πελεΐδας, Didymis femina fatidica edidit. Cuius quamvis neque bonae aetatis scriptores neque tituli mentionem faciant, tamen nulla caussa est, cur Origeni<sup>7</sup> et Iamblichō<sup>8</sup> diffidamus, quorum alter cum

<sup>1</sup> Athenaeus V pag. 215 b. καὶ Ταρσοῦ Λυσίας ἐτυράνησε, ὃς ὑπὸ τῆς πατρίδος στεφανηφόρος αἰρεθείς, τοῦτ' ἐστὶν ἱερεὺς Ἑρακλέους, οὐκ ἀπέθετο τὴν ἀρχήν.

<sup>2</sup> Athen. XII pag. 533 d et e. Πόσις δ' ἐν τρίτῳ Μαγνητικῶν τὸν Θεμιστοκλέα φησὶν ἐν Μαγνησίᾳ τὴν στεφανηφόρον ἀρχὴν ἀναλαβόντα, θῦσαι τῇ Ἀθηνᾷ καὶ τὴν ἑορτὴν Παναθήναια ὀνομάσαι.

<sup>3</sup> Zeitschrift für Alterthumswissenschaft 1841 pag. 577.

<sup>4</sup> Wolff de nov. orac. aetat. pag. 11.

<sup>5</sup> C. J. G. 2855.

<sup>6</sup> Boekhius annot. ad C. J. G. 2880.

<sup>7</sup> Origenes ctr. Celsum I, 70 pag. 130 ed. Lommatzsch. λελέξεται γὰρ πρὸς αὐτόν, ὅτι χρῆται ὁ πεπιστευμένος παρ' Ἑλλήσι εἶναι θεός, ὁ Πύθιος, καὶ ὁ Διδυμεὺς τοιαύτης φωνῇ τῇ τῆς Πυθίας ἢ τῆς ἐν Μιλήτῳ γενομένης προφητίδος.

<sup>8</sup> Iamblichus de myster. pag. 127 ed. Parthey καὶ μὴν ἤγε ἐν Βραχίδαϊς γυνὴ χρησμοδός, εἴτε βάρβρον ἔχουσα τὴν πρώτως ὑπὸ θεοῦ τινος παραδοθεῖσαν, πληροῦται τῆς θείας αὐγῆς, εἴτε ἐπὶ ἀξίονος καθημένη, προλέγει τὸ μέλλον, εἴτε τοὺς πόδας ἢ κράσπεδόν τι τέγγουσα τῷ ὕδατι, ᾧ ἐκ τοῦ ὕδατος

Gelzer, de Branchidis.

Pythia Milesiorum prophetidem comparat, alter autem accuratissime vaticinandi apud Branchidas ritus et caerimonias descripsit.

Is vero refert, feminam fatidicam, sive virgam manu tenentem, a deorum aliquo traditam, sive in axe sedentem, sive pedes aut limbum in aqua tinguentem, sive ex aqua vaporem haurientem, deum suscepisse et futura cecinisse.

Sed multis demum caerimoniis, lavacris, jejuniis per triduum servato, recessu in adytum prophetidem eo pervenisse affirmat, uti parato animo deum susciperet.

Prophetis igitur, uti Clarius vates, ὕδρομάντεων ordini adnumeranda est. Ex aqua enim vaticinabatur.

Sed multo majore auctoritate propheta fructus est, qui inter Didymaeos sacerdotes insignem locum obtinuit.

Cum ergo summa ejus dignitas esset, non ex omni populo, sed ex certis quibusdam sacerdotum familiis eligebatur.

Quamobrem Menander propheta sese ἔκγονον ἀρχιερέων, στεφανιφόρων, προφητῶν esse praedicat<sup>1</sup> et pariter T. Flavius Andreas sese ex stephanephororum et prophetarum gente prognatum dicit.<sup>2</sup>

Eodemmodo Laginensis sacerdos, Aelius Neon, cum magna gravitate enuntiat, se et uxorem esse ἱσραῖς ἐξ ἱσραίων,<sup>3</sup> et Ulpia Euodia Mudiane, Dianae Ephesiae sacerdos, ex sacerdotum et κοσμητεριῶν, gente procreata est.<sup>4</sup>

Itaque in titulis saepe eadem nomina inveniuntur. Commemoratur Damas quidam propheta,<sup>5</sup> in alio vero Damae filius;<sup>6</sup>

ἀτιμωμένη, θέγεται τὸν θεόν . . . Ἀγιοὶ δὲ καὶ τὸ τῶν θυσίων πλῆθος καὶ ὁ θεοῦς τῆς βλῆς ἀγιστείας καὶ ὅσα ἄλλα δοῦνται πρὸ τῆς χρησιμότητος θεοπροπειῶς, τὰ τε λουτρὰ τῆς προφητείας καὶ ἡ τῶν τριῶν βλῶν ἡμερῶν ἀστυία, καὶ ἡ ἐν ἀδούτοις αὐτῆς διατριβὴ καὶ ἐχομένης ἥδῃ τοῦ φωτὸς καὶ τερομένης ἐν πολλῇ χρόνῳ.

<sup>1</sup> C. J. G. 2881.

<sup>2</sup> Newton Discoveries Nr. 61. pag. 777.

<sup>3</sup> Newton l. c. pag. 791. Nr. 96.

<sup>4</sup> C. J. G. 3002.

<sup>5</sup> C. J. G. 2869.

<sup>6</sup> C. J. G. 2880.

etiam Antipater<sup>1</sup> et alio loco Antipatri<sup>2</sup> filius, Posidonii filius<sup>3</sup> et alius recentior Posidonius,<sup>4</sup> Menandri adoptivus<sup>5</sup> et alius recentior Menander<sup>6</sup> nominantur. Qua re probatur, certas quasdam familias prophetiam capessivisse.<sup>7</sup>

Iam antea de primordiis Branchidarum disputantes, nonnullarum sacerdotum familiarum mentionem fecimus:

1) Branchidarum. 2) Euangelidarum. 3) Trambelidarum. Sed exstant aliqua apud scriptores testimonia, alias quasdam praeter jam commemoratas sacerdotum gentes Didymis fuisse.

4) *Cleochidas*: ex doctis Apollonii Rhodii scholiis<sup>8</sup> certiores fimus, Apollinis et Ariae filium fuisse Miletum. Ariae patrem Cleochum nuncupant, atque Clemens Alexandrinus<sup>9</sup> Clearchum quendam in Didymaeo sepultum esse tradidit. Apud Arnobium<sup>10</sup> autem, qui Clementem exscripsit, recte Cleochus nominatur. Sed in templo sacerdotes sepeliuntur. Atque mihi verisimile est, Cleochum, auctorem gentis Cleochidarum, eodemmodo in Apollinis templo sepultum esse, quo Cinyras et ejus progenies in Paphiae Veneris delubro.<sup>11</sup>

5) *Bacchiadas*: Apud Hesychium<sup>12</sup> invenimus, Bacchiadas non solum Milesiam, sed etiam Corinthiam gentem fuisse. Cum pro certo sciamus, inter Clarii fani sacerdotes Bacchiadas<sup>13</sup> fuisse, probabile est, etiam Milesios Bacchiadas Apollinis fuisse sacerdotes. Nam Clarium et Didymaeum delubrum arctissime inter se conjuncta sunt.

<sup>1</sup> C. J. G. 2855.

<sup>2</sup> C. J. G. 2857.

<sup>3</sup> C. J. G. 2854.

<sup>4</sup> C. J. G. 2884.

<sup>5</sup> C. J. G. 2855.

<sup>6</sup> C. J. G. 2881.

<sup>7</sup> Boeckh. adnot. ad. 2880.

<sup>8</sup> Scholia ad Apoll. Rhod. Argon. I, 186.

<sup>9</sup> Clem. adm. ad gentes pag. 29 B. ed. Sylb. Αέανδρος δὲ Κλέαρχον ἐν Μιλήτῳ τεθάρθαι ἐν τῷ Διδυμαίῳ φησίν.

<sup>10</sup> Arnobius adv. gentes ed. Elmenh. II pag. 218.

<sup>11</sup> Clemens l. c.

<sup>12</sup> Hesych. s. v. Βακχιάδα οὐ μόνον Μιλήσιοι, ἀλλὰ καὶ Κορίνθιοι.

<sup>13</sup> Scholia in Nicandr. Alexiph. 11.

6) γένος ἀπ' Αἰάντος: in titulo apud Lebasium Philidas, Heracleonis filius, propheta, se philosophum epicureum et ex Ajacis gente prognatum esse gloriatur.<sup>1</sup>

7) Flavianus Phileas,<sup>2</sup> Didymaei Apollinis propheta, se esse πατέρων γένους ναυάρχων καὶ κτιστῶν affirmat, ac pari modo Menander<sup>3</sup> propheta est „γένους τῶν κτισάντων τὴν πόλιν.“ Intellegimus ergo, nobilissimas et antiquissimas Milesiorum familias, quae ex Athenis originem duxerunt, sacerdotii honorem summo studio petivisse.

Propheta per annum munere suo fungebatur, uti liquet ex prophetarum catalogo, quem Newtonius Britannus juris publici fecit. Ibi enim propheta quidam recensetur,<sup>4</sup> Philidae filius, atque additur, eodem anno filiam hydrophoria functam esse. „Annus“ aperte de anno dignitatis propheticae intellegendus est.

Prophetae e certo candidatorum numero eligebantur. Qui vero semel munere functus erat, raro denuo propheta factus est, ita ut in titulo, qui in honorem Claudii Damae scriptus est, dilucide notaretur, eum bis hunc honorem esse assecutum.

Qui quidem propheta, unum et octoginta annos natus, iterum propheta creatus est, et patrios ritus caerimoniasque in templo restituit.<sup>5</sup>

Quem quidem titulum valde mutilatum esse, magnopere doleo. Nam Claudius Damas propheta, qui antiquos ritus renovavit, homo gravissimus et magnae apud Milesios auctoritatis fuisse videtur.

Quin etiam ter prophetam dignitate sua fructum esse, titulus elegiaco metro conscriptus, testatur:<sup>6</sup>

Εὐσεβέσιν κλήροις, Ποσ(ε)ιδώνιε, τρίς σε λαχόντα  
Δέρκομαι ἐν Διόμοις στέμμασιν ἀθανάτοις.  
Τοῖον δὲν Ἀπόλλων σε προφήτην ἡσπάσατ' αὐτός,  
Λῆμμα, κρίσιν μητρὸς τ' εὐσεβίην δικάσας.  
Οὐ κλέος οὐδ' αἰὼν ἐπιλήσεται· ἄνδρα γὰρ εἶδεν  
Τῶν πρὶν λειτουργῶν οὐδενὶ λειπόμενον.

<sup>1</sup> Lebas voyag. archéol. Inscr. Tom. III Nr. 239.

<sup>2</sup> C. J. G. 2880. — <sup>3</sup> C. J. G. 2881.

<sup>4</sup> Newton Discoveries II, 2 Nr. 60 [ὁ δεῖνα] Φιλίδου. ἐν δὲ τῇ αὐτῇ ἐνιαυτῇ ὑδροφόρει ἢ θυγάτηρ αὐτοῦ Χρυσά.

<sup>5</sup> C. J. G. 2884. — <sup>6</sup> C. J. G. 2884.



Ex voce quae est *χρίτιν* apparet, qui de prophetia sortirentur, antea probatos esse „δοκιμασίᾳ“ aliqua, quae ad gentem, parentes, innocentiam, integritatem pertinebat. Quare *πρόκριτοι* facti sunt, quibus facultas est de sacerdotiis et similibus muneribus sortiendi.<sup>1</sup>

Quo ex titulo docemur sacerdotali vitta prophetam aequae ac stephanephorum redimitum fuisse.

Idem quoque sequitur ex titulo quodam detruncato, qui versibus elegiacis Heracleonem, Niciadae filium, prophetam celebrat.<sup>2</sup>

Αὐτός ὁ (Λ)οξιδίας (ἄρ)ε(τῆς) . . . .

Μάρτυρας εὐσεβίης κλῶνας (ἐπὶ κ)ροτά(φοις)

Ἀργεννο(ῖς τ)ε θεοῦ σ(εφθ)έ(ντ)α . . . .

Nonnunquam autem Milesiorum senatus prophetam, omissis sortibus, ex suo arbitrio constituit.<sup>3</sup>

Alius denique titulus, a Cyrillo metropolita neglegentissime transcriptus, *προστάτην τοῦ Διδυμέως Ἀπόλλωνος* commemorat. Cum nil certi de Apollinis antistite nobis traditum sit, satis erit eum commemorasse.<sup>4</sup>

Ad celebrandum Didymaei Apollinis cultum dies festos magna cum pompa et cum splendore magnifico agebant. Prophetarum vero munus fuit, sumptus vel maximos sustinere. Quin etiam praeter debitas largitiones aedificia construxerunt, quae populi usui destinata fuere.<sup>5</sup> Quotannis dies festi Apollini celebrabantur.<sup>6</sup>

<sup>1</sup> Boeckhii adnot. ad. 2884. Welcker sylloge Epigr. Gr. Nr. 161.

<sup>2</sup> Lebas voyage archéol. Inscr. Nr. 243. Wadding. in comment. pg. 84.

<sup>3</sup> C. J. G. 2882. . . . Φλαβιανῶς Φιλέας, λαβὼν παρὰ τῆς πατρίδος τὴν προφητείαν, ἀκληρωταὶ ἐτῶν ὡν εἴκοσι τριῶν.

<sup>4</sup> Titulus in Ἑρμῇ λογίῳ a. 1812 et apud Boeckhium ita scriptus est: (C. J. G. 2882) γενόμενος . . . τῆς τῶν μεγάλων Διδυμείων . . . μοδίων . . . ομονος προστάτης Διδυμέως Ἀπόλλωνος, κῶταρχος κτλ. fortasse legendum est: γενόμενος ἀγνωθῆτης τῶν μεγάλων Διδυμείων Κοιμοδίων, γενόμενος προφήτης Διδυμέως Ἀπόλλωνος, κῶταρχος κτλ. cfr. 2880 et 2881. Atque eo potius errasse existimo Cyrillum, quod in fine invenimus . . . ἐν τῷ αὐτῷ τῆς προφητείας (ἐνι αὐτῷ ἐνδειζάμενος) εὐσεβείαν κτλ.

<sup>5</sup> C. J. G. 2881.

<sup>6</sup> Lebas voy. archéol. Nr. 222 (δοχ)θέντος τοῖς στε(φανηφό)ροις καὶ

Sed summo cum splendore magna Didymea, τὰ μέγαρα Διδύμεια, agebantur. Quae, uti Olympia, Panathenaica, alia non quotannis, sed quarto quoque anno celebrata esse videntur. Quodsi concedimus, facillime titulus explicari potest, quem Waddingtonius se intellegere negavit.<sup>1</sup> Titulus autem ita legitur:

προφήτης Στράτων Διογένους, αὐτοῦτης πανηγυρικός, δήμου Λερίων.<sup>2</sup>

Cum prophetae annuo munere fungerentur, Straton dicere voluit, se eo anno prophetasse, quo Didymeorum ludi celebrabantur. Quo cum titulo Laginensis comparandus est:

Ἱερὺς Ἑκάτων . . . κατὰ πενταετηρίδα.<sup>3</sup>

Sollemnia autem, quae et gymnica et musica fuerunt, in ipso templo, videlicet intra septum sacratum, celebrabantur.<sup>4</sup>

Ludis praesidebat ὁ ἀγωνοθέτης τῶν μεγάλων Διδυμείων,<sup>5</sup> etiam ὁ πανηγυριαρχήσας τῶν μεγάλων Διδυμείων appellatus.<sup>6</sup> Ad quem honorem prophetae, stephanephorī, quaestores templi, denique ei, qui de templo optime meriti erant, ascenderunt.<sup>7</sup> Ludos etiam musicos fuisse ex eo sequitur, quod Menander χορηγὸς τῶν ἀρίστων χορηγῶν nominatur.<sup>8</sup>

Uti igitur stephanephoro et prophetae Apollinis sacra perpetranda sunt, ita Dianae sacerdotio virgo fungitur, ἡ Ὑδροφόρος Ἀρτέμιδος Πυθίης, quae vocatur. Non recte mihi Soldanus<sup>9</sup> statuisse videtur, Dianam et Apollinem θεοὺς συνάους fuisse. Proprium enim Dianae templum titulis nobis notum est.<sup>10</sup> Neque

τοῖς στρατηγ(οῖς ὑπὸ)ς πρόνοια γένηται . . . εἰς τὴν ὀφείλουσαν (Ἀπό)λλ(ωνι) (Διδυμεί) θυσίαν καὶ ἱ(ερ)ο(μην)ίαν (ποιεῖ)σθαι, καθὼς ἐθίζεται . . .

<sup>1</sup> Waddingt. in comment. ad. Lebas voy. arch. pag. 84. „Quant à l'expression αὐτοῦτης πανηγυρικός, je ne comprends pas ce qu'elle signifie.“

<sup>2</sup> Lebas voy. archéol. Nr. 239.

<sup>3</sup> Newton Discoveries II, 2 Nr. 102.

<sup>4</sup> C. J. G. 2888. νικήσαντα τὰ μέγαρα Διδύμεια πάλην τρις κατὰ τὸ ἐξῆς ἐν τῇ ἱερῇ τοῦ Διδυμείως Ἀπόλλωνος. Newton l. c. Nr. 59. pag. 774 ἀγαθὴ τύχη Λεύκιον Λευκίου νικήσαντα τὰ μέγαρα Διδύμεια . . .

<sup>5</sup> C. J. G. 2881.

<sup>6</sup> Lebas Inscr. 229.

<sup>7</sup> C. J. G. 2881. Lebas Inscr. 229.

<sup>8</sup> C. J. G. 2881.

<sup>9</sup> Zeitschrift für Alterthumswissenschaft 1841 pag. 583.

<sup>10</sup> Lebas Inscr. 228. C. J. G. 2883 d.

rectius de Apollinis prophetide mihi disputasse videtur, quae ipsa illa Dianae hydrophoros sit.<sup>1</sup> Sed quomodo una eademque Apollinis mulier fatidica et Dianae sacerdos esse potest? Neque ex titulis liquet, Hydrophoron vaticinatam esse; sed mysteriis praesedit.

Dianae sacerdos pari modo ac propheta in annum creabatur.<sup>2</sup> Atque Malia Rufina, hydrophoros, se ex prophetarum et stephanephororum gente prognatam esse jactat, quod pater et avus et majores et cognati omnes summis reipublicae et oraculi muneribus functi sunt.<sup>3</sup> Intellegimus itaque, Dianae antistitem ex eisdem familiis ac Apollinis sacerdotes captam esse.

Quamvis nusquam expressis verbis annotatum sit, tamen valde probabile est, Dianae apud Branchidas antistitem virginem fuisse. Ea enim dea fere semper castitatis religionem sacerdotibus imperavit. Itaque, teste Pausania, Aegirae,<sup>4</sup> Calydones,<sup>5</sup> Patris,<sup>6</sup> Orchomeni,<sup>7</sup> Spartae<sup>8</sup> virgo Dianae sacra perpetravit. Plutarchus<sup>9</sup> vero Ephesiae Dianae tres sacerdotes, quas Mellieren, Hieren et Parieren nuncupat, cum Vestae virginibus comparat, ita ut etiam Ephesias sacerdotes castimoniam servasse intellegamus.

In mysteriis, quae Dianae apud Branchidas celebrabantur, sacerdoti maxime curae esse debuit, uti ritus et caerimoniae pie sancteque perpetrarentur.<sup>10</sup>

Ex nonnullis vestigiis sequitur, Dianae sacerdotem ditissimam fuisse et maxima ex agris vectigalia percepisse. Primum

<sup>1</sup> l. c. pag. 578 n. 583.

<sup>2</sup> Newton l. c. Nr. 60.

<sup>3</sup> C. J. G. 2885.

<sup>4</sup> Pausan. VII, 26, 5.

<sup>5</sup> Pausan. VII, 18, 12.

<sup>6</sup> Pausan. VII, 18, 12.

<sup>7</sup> Pausan. VIII, V, 11 et 13, 1.

<sup>8</sup> Pausan. III, 18, 4.

<sup>9</sup> Plutarch. an seni sit ger. resp. XXIV.

<sup>10</sup> C. J. G. 2885. τελέασα τὴν ὑδροφορίαν εὐαρέστως τοῖς πολίταις. C. J. G. 2886 ποιήσασα τὰ μυστήρια πάντα εὐσεβῶς τοῖς θεοῖς. Lebas Nr. 228 et C. J. G. 2885 d. πληρώσασα δὲ καὶ τὴν ὑδροφορίαν ἀξίως τοῦ γένους, φιλοτείμως, καὶ τὰ μὲν μυστήρια ἐκτενῶς τελέασα.

enim, quae sacerdotio functae erant, ad exornandum templum luculenta dona, aulaea, aëneas portas, alia deae consecraverunt.<sup>1</sup>

Dein diebus festis Dianae sacerdos Milesios hospitio recipiens, senatoribus, mulieribus, virginibus magnas pecunias distribuit.<sup>2</sup>

Nemus et loca, Dianae templo adjacentia, aquarum abundantia, quae Dianae consecratae erant, insignia fuerunt. Itaque in titulo, qui in honorem hydrophori Theogenidis scriptus est, commemoratur, eam primam cum fratribus et cognatis quibusdam fontem fodisse et aquaeductum extruxisse.<sup>3</sup>

Quas ob caussas in honorem nonnullarum sacerdotum senatus decreta palam facta sunt.<sup>4</sup>

Nunc vero ad Cabiromum sacra nos convertamus. Et quoniam de origine et genere horum deorum magna inter viros doctos dissensio est, id solum commemoro, me Moversii<sup>5</sup> sententiam secutum esse, qui Phoenicum deos Cabiros esse statuit.

Vox enim, quae est כַּבִּיר Semiticis linguis magnum et potentem valet.<sup>6</sup> Atque jam veteres recte ita Cabiromum nomen explicaverunt: „θεοὶ μεγάλοι, θεοὶ δυνατοί, θεοὶ χρηστοί.“<sup>7</sup> Venus quoque Arabum lingua Cabira, dea potens, vocari traditur.<sup>8</sup> Si-

<sup>1</sup> C. J. G. 2886 ἀνέθηκε δὲ τῇ Ἀρτέμιδι τὸ παραπέτασμα. C. J. G. 2885 d. et Lebas Nr. 228. ἀναθεῖσα δὲ (ἐκ τῶν) ἰδίων καὶ τὰς χαλκᾶς θύρας τοῦ (ἁλσους) (τ)ῆς Ἀρτέμιδος καὶ τὰ λίθινα(βήματα) σὺν ὑπερθύρῳ καὶ ὁδῷ ἐπὶ τὸν ναόν.

<sup>2</sup> C. J. G. 2883 C. Lebas Nr. 227. Waddingt. pag. 82. ἐστίασας πάντας τοὺς πολεῖτας ἐπὶ ἡμέρας ἑγ, (δοῦσα δὲ) καὶ διανομάς τοις ἐκ να(οῦ) γυναιξίν καὶ ταῖς παρθένοις, ποιήσας δὲ καὶ τοῖς παισὶ τὰ δεῖπνα ἐν τοῖς Ἀνθ(εστηρί)οις. . . . ἐπὶ ἡμέρας δι, δοῦσα δὲ τῇ ἱερᾷ βουλῇ διανομάς. C. J. G. 2885 d. Lebas Nr. 228. C. J. G. 2886.

<sup>3</sup> κατεσκεύασε δὲ πρώτη ὑδροφόρων . . . τοὺς κήπους? . . . καὶ φρέατα καὶ ὕδρεϊα . . . καὶ τὰς κρήνας ἔμπροσθεν τοῦ ναοῦ τῆς Ἀρτέμιδος καὶ τὸ ὕδωρ ἐκ τῶν ἰδίων καθιέρωσεν τοῖς θεοῖς. C. J. G. 2885. Lebas Nr. 225. Waddingt. pag. 82.

<sup>4</sup> C. J. G. 2885. C. J. G. 2885 b.

<sup>5</sup> Movers Phoenizier I pag. 651 ff. cui adstipulantur Dunckerus & Schoemannus.

<sup>6</sup> Gesenius s. v.

<sup>7</sup> Cassius Hemina apud Servium ad Aeneid. I, 378.

<sup>8</sup> Movers l. c. I pag. 652.

mili modo Cabirorum minister Κάδμιος, קַדְמִיָאֵל<sup>1</sup> servus dei, nuncupatur. Dein Cabirorum sacerdoti Κόης nomen inditum est, aperte כֹּהֵן, sacerdos. Samothraciae denique insulae antiquo tempore Melitae nomen fuit. At ubicunque hujus nominis mentio fit, pro certo constat, hoc loco Phoenices sedem collocasse.<sup>2</sup>

Itaque etiam Cabirorum sacra; quae apud Milesios floruerunt, ex Phoenice primam duxisse originem mihi probabile est, quamquam, qui primi peregrinis illis sacrorum sollemnibus initiarunt Milesios, Onnes et Tottes, Phryges fuerunt.<sup>3</sup>

Qui apud Branchidas Cabirorum sacerdotio fungebatur, κατάρχης seu κώταρχος τῶν μεγάλων θεῶν Καβίρων nominabatur. Atque ex titulis compertum habemus, hoc munus nonnumquam Apollinis prophetas suscepisse.<sup>4</sup>

Vox quae est κατάρχης fortasse recte a Keilio,<sup>5</sup> cui et Boeckhius adstipulatur, explicata est. Is enim κατάρχην coëtum antistitem „κοίτων ἀρχόν“ significari vult.

Cabiris etiam adjungenda est Leucothea dea, quae apud Rhodios quoque finitimos deorum orientalium „τῶν προφητῶν δαίμωνων“ mater est.<sup>6</sup> In honorem Leucotheae puerorum ludi celebrabantur.<sup>7</sup>

Praeterea etiam Fortunae, Themidi, Latonae Triviaeque sacella vel altaria quaedam dedicata fuisse, ex regum Seleucidarum donis manifesto apparet.<sup>8</sup>

Iam vero cum Didymacum delubrum ditissimis adnumerandum sit, magno etiam territorio praeditum fuit. Quod quamvis non tanta testimonium multitudine, quanta in Triviae Laginensis delubro, confirmetur, tamen ex titulo memorabili colligi potest,

<sup>1</sup> Gesenius s. v.

<sup>2</sup> E. Curtius Sieben Karten zur Topogr. v. Athen Text pag. 11.

<sup>3</sup> Nicolaus Damascen. frgm. 54. Müller frgm. historic. Graec. III pag. 388. Feder excerpt. Escorial. pag. 95.

<sup>4</sup> C. J. G. 2880 et 2882.

<sup>5</sup> Specimen onomatol. Graeci pag. 107 ff.

<sup>6</sup> Diod. Sicul. V, 55.

<sup>7</sup> Conon ap. Phot. cod. 186 Nr. 44. C. J. G. 2855.

<sup>8</sup> C. J. G. 2852.

in quo οἱ περὶ τὸ μαντεῖον πάντες καὶ οἱ τὸ ἱερὸν κατοικοῦντες καὶ οἱ πρόσχωροι<sup>1</sup> commemorantur.

οἱ περὶ τὸ μαντεῖον καὶ οἱ περὶ τὸ ἱερὸν aperte sacerdotes et aeditui (οἱ ἱερόδουλοι) sunt, πρόσχωροι vero incolae agri sacri, qui sub jure potestateque prophetae et hydrophori fuit.

Dein etiam mulierum, quae ad templum pertinuerunt, mentio fit, αἱ ἐκ ναοῦ γυναῖκες.<sup>2</sup>

Sacrae quoque terrae Panormus portus fuit, quo peregrini, Apollinem sciscitaturi, navim appellebant. Quo loco sacer fons prosiluit, qui quidem ex Mycale monte originem duxisse et per mare Panormum penetrasse traditur.<sup>3</sup>

Μοῦνον δ' Ἡελίω<sup>4</sup> φασσιμβρότων εἰσὶν ἔασιν  
Ἐν Διδύμων γυάλας Μυκαλήϊον ἔνθεν οὖδωρ.

Ex Panormo ad Didymaeum sacra via munita fuit, statuis perantiquis atque donis fautorum templi ornata. Nostro demum aevo Newtonius Britannus, statuas nonnullas, quas temporum iniquitas nondum deleverat, in Britanniam removit.<sup>5</sup>

Templi vero reditus a quaestoribus administrabantur, qui ταμίαι vel ταμίαι καὶ πάρεδροι ἐν τῷ ἱερῷ nuncupantur.<sup>6</sup> In titulis modo sex, modo duo commemorantur. Atque cum in aliis unius modo mentio fiat, fortasse recte Boeckhius conjecit, pro eorum principe eum habendum esse. Munere per semestre fungentur.<sup>7</sup>

Summi momenti est, Branchidarum sanum etiam cudendorum nummorum jure fructum esse. Namque J. Millingen<sup>8</sup> praeclarum Didymaei delubri nummum publici juris fecit, cujus

<sup>1</sup> C. J. G. 2879.

<sup>2</sup> Lebas nr. 227.

<sup>3</sup> Pausan. V, 7, 5.

<sup>4</sup> Euseb. praep. evang. V, 16 c. not. Vigeri.

<sup>5</sup> Fusede illis statuis disputarunt O. Müller kl. Schrift. II pag. 602. L. Ross archaeol. Aufs. II, 378—383. Newton Discoveries Vol. II Part. II Cap. XXIII pag. 527 ff.

<sup>6</sup> C. J. G. 2852, 2879 etc.

<sup>7</sup> C. J. G. 2879.

<sup>8</sup> J. Millingen Sylloge of ancient inedited coins. London 1837. pag. 70 et 71.

in fronte Apollō laureatus, in parte aversa leo gradiens, stellam aspiciens, formatus est. Marginis vero inscriptio est:

ἐγ Διόμῶν ἐρρή.

Qua ex re docemur, fanum non in potestate ac ditione Milesiorum fuisse, sed sua jura ac leges habuisse.

#### § 4.

### De Branchidarum apud Milesios auctoritate.

Restat denique, uti paucis adumbremus, quomodo Branchidae Milesios ad humanitatem informarint. Priscis enim temporibus homines feroces et impotentes a deorum vatibus et sacerdotibus gubernentur, necesse est. Atque uti medii aevi episcopi et abbates treugam Dei, quae vocatur, constituerunt, ne perpetuis inimiciis ac bellis populi semetipsos dilacerarent, ita etiam apud Graecos Lycurgus auctoritate Delphici Apollinis usus, intestinam Lacedaemoniorum discordiam composuit, et Epimenides, Creticus vates, Atheniensibus pacem reddidit. Similia etiam de Branchidis memoriae produntur. Seditione enim coorta inter Milesiorum optimates et plebejos, qui Gergithes nominantur, divites, posteaquam victores evaserunt, tam crudeliter in plebejos consuluerunt, uti eos cum liberis pice linerent et cremarent. Qui cum misere periissent, multa prodigia evenerunt, et sacra olea igne consumpta est. Sacerdotes vero Milesiorum proceribus sacrificiis omnibus interdixerunt, et per longum temporis spatium theoros, qui numinis voluntatem sciscitarentur, ab oraculo removerunt, respondentes:

Καί μοι Γεργίθων<sup>1</sup> τε φόνος μέλει ἀπολεμίστων  
Πιστῆρων τε μόρος καὶ δένδρεον αἰὲν ἀθαλλές.

En factum praeclarum, Ambrosio et Ioanne Chrysostomo dignissimum! Sacerdotis enim est, miseros et oppressos adjuvare, neque potentium ira terreri.

Ubi autem publica calamitas Milesiorum urbem oppressit, populus omnis ad Didymaei oraculi sacerdotes confugit, qui Mi-

<sup>1</sup> Athenaeus XII pag. 524 b.



lesios a communi peste liberarent. Cujus rei testis est Clemens Alexandrinus.<sup>1</sup> Branchus enim, uti perniciem a populo averruncaret, eum lauri ramis aspergens, hymnum dicendo praeivit hoc modo:

Μέλπετε, ὦ παῖδες, Ἑκάεργον καὶ Ἑκαέργαν.

Ita autem acclamavit multitudo, ut diceret:

Βέδω, ζάμψ, χθῶ, πλῆκτρον, σφίγξ,  
Κναζέζβι, χθόπτηρ, φλεγμῶ, ὀρόψ.

Etiam si versus illi, qui ὑπογράμμων παιδικῶν<sup>2</sup> seu Ἐφεσίων γραμμάτων numero ascribendi sunt, perantiqui esse nequeant,<sup>3</sup> tamen nos docent, praeter sacerdotes popularium quoque conventum, non aliter ac apud christianos, rerum sacrarum partem capessivisse.

Quanta autem sacerdotum auctoritas fuerit, ex Iuliani loco, memoratu dignissimo, apparet. Ex eo enim comperimus, Branchidas eis, qui nefarie ac superbe in sacerdotes consulerent, summas a deo poenas incurrere proclamasse:

Ὅσσοι ἐς ἀρητῆρας ἀτασθαλίῃσι νόοιο  
Ἀθανάτων ῥέζουσ' ἀποφώλια, καὶ γεράεσσιν  
Ἀντία βουλεύουσιν ἀδεισθεοῖσι λογισμοῖς,  
Ὅσκει' ὄλγῃ βιότοιο διεκπερώουσιν ἀταρπόν.  
Ὅσσοι περ μακάρεσσιν ἐλωβήσαντο θεοῖσιν,  
Ὅν κείνοι θεόσεπτον ἔλον θεραπείῃδα τιμήν.<sup>4</sup>  
Καὶ πάλιν ἐν ἄλλοις ὁ θεός φησι·<sup>5</sup>  
Πάντας μὲν θεράποντας ἐμοῦς ὁλοῦς κακοῦτος κτλ . . .

Priusquam disputandi finem faciam, addere mihi liceat verba sollemnia, quibus Andreas propheta Didymacum deum invocavit:<sup>6</sup>

Ἀπολλων ὦναξ, τέμενος ἀμφέπων Βράγχου  
Εἰ τοι μέμηλεν ἔμπεδος προφητεῖη,  
Ἐς Ἀνδρέαν ὄσσοισι πρῆσσαι δέρκευ.

<sup>1</sup> Clemens Alex. stromat. V pag. 570 A B. ed. Sylb.

<sup>2</sup> Soldan Zeitschrift für Alterth. 1841 pag. 553.

<sup>3</sup> Hoeck Kreta II pag. 523. Lobeck Aglaoph II pag. 1331.

<sup>4</sup> Julian. epist. LXII ed. Heiler.

<sup>5</sup> Julian. Imp. frgm. pag. 298 A. ed. Spanheim.

<sup>6</sup> Newton Discoveries pag. 777. Nr. 61.